

杜氏通典


卷一百八十八
之九十

邊防

漢書門			
二	四	二	四
一	四	〇	四
五	〇	六	〇
冊	架	函	號

內閣文庫			
天	二		漢
三	四		
函	〇	五	〇
一	四	冊	架

內閣文庫			
番號	漢	2424	
冊數	50(47)		
函號	293	123	





杜氏通典卷一百八十八

增入卷一百八十八

唐京兆杜佑君卿纂明御史後學李元陽仁甫校刊

邊防四 南蠻下

嶺南序畧 嶺南蠻僚 海南序畧

黃支 孤之北 哥羅 心而吳 林邑 地秦平

扶南 畧 頓遜 毗騫

干陀利 畧 狼牙脩 婆利

槃槃 赤土 真臘 牙

羅利 投和 丹丹

邊斗 杜薄 薄刺

葉伯暉



敦焚

火山

無論

婆登

烏篤

陲洹

訶陵

多篋

多摩長

哥羅舍分

嶺南序畧

五嶺之南張海之北三代以前是為荒服秦平天下開置南海等三郡秦亂趙佗據有其地傳五代九十三歲至漢武建元中伏波將軍路博德滅之分為儋耳等九部其珠崖郡在海洲上大率數歲一反元帝初元中納賈捐之議罷之

肉用一作用丹

反一作交

後漢光武建武中交趾女子徵側反畧有六千餘城伏波將軍馬援討平之桓靈以後蠻獠又據象郡象林縣遂為林邑國矣其餘郡縣歷代雖有反亂州郡兵旋平定之極南之人離題交趾其俗男女同川而浴題額也離謂刻其肌肉並立相反其西有噉人國生首子輒解而食之謂之宜弟味旨則以遺其君君憚而賞其父娶妻妾美皆讓其兄烏衛人是也烏衛地在海南安南府之北交趾之南有越裳國周公居攝六年朗寧郡管天下和平越裳以重譯而獻白雉周德既衰於

是稍絕。及楚子稱霸，朝貢百越。秦始皇平天下。

開嶺外置南海。今南海始興義寧海豐想平南

陽高梁連城新與銅陵桂林。今始安平樂蒙山

懷德潮陽等郡地皆是江鬱林平琴安或賀水常林象郡龍池永定郡等

寧懷澤寧仁寧浦嶺山修德龍池永定郡等地

皆象郡。今招義南越普陵寧水南昌定川寧越

承化三山合浦安樂海至胡亥時，南海尉任囂

病且死，召南海龍川令真定人趙佗，語曰：漢真

定與言，故召公告之，即被佗書行南海尉事。

常山郡漢龍中國擾亂，未不知所安。番禺今南負山

嶮阻，南北東西數千里，可以為國。郡中長吏無

佗，即擊桂林象郡，自立為南越武王。漢已定

天下，為中國勞苦，故釋佗不誅。遣陸賈立佗為

南越王。高后時，佗乃自稱為南越武帝，發兵攻

長沙邊邑，敗數縣而去。今長沙衡以兵威財物

賂遺閩越。閩即今西甌駱越役屬焉。西甌即駱越

別東南甌耳。今南海東西萬餘里，南北數千里。及

孝文帝初立，鎮撫天下，乃為佗親家在真定置

守邑。歲時奉祠，召其從昆季，尊官厚賜，寵之。詔

陸賈使往諭之。賈至，南越王上書謝，願為藩臣。

謝平

注負字當為本文

三作玉

潛

王下有安字

奉職貢。至武帝建元四年，佗孫胡時，閩越王郢興兵擊南越邊邑。胡使人上書曰：兩越俱為藩臣，無得擅興兵相攻擊。今東越擅侵臣，臣不敢興兵。唯天子詔之。於是天子多南越義，守職約為遣兩將往討閩越。淮南王上書諫曰：夫越方外之地，黻髮文身之人也。越人鬻髮古剪不可以冠帶之國法度理也。自三代之盛，胡越不與受正朔，非強不能服，威不能制也。以為不居之地，不牧之人，不足以煩中國也。地不可居而故古者封內甸服，封內謂封圻千里之內，甸封外

求一作束

侯服，封外千里之列，侯侯衛賓服。服侯之外，又於王，侯衛二蠻夷要服。又在侯衛之外，而居九服賓為賓也。此在九州之外者，要言以文德要求戎狄荒服，其荒忽絕遠，來去無常，遠近之勢異也。自漢初定以來，七十二年，吳越人相攻擊者，不可勝數。然天子未嘗舉兵而入其地。臣聞越非有城郭邑里也，處谿谷之間，篁竹之中。竹叢也，竹習於水鬪，便於用舟。地深昧而多水險，昧暗也，言中國之人不知其勢阻而入其地，雖百不當其一。得其地不可郡縣攻之，不可暴取也。以地圖察其山川要塞，相去不過數寸。

小作田

謝正慶

本文一無梁字

之間而數百里千里阻險林叢弗能盡著不可
於圖著視之若易行之甚難今日攻擊而陛下盡載
張許反以兵救之是反以中國而勞蠻夷也疲勞中國
夷之且越人愚戇輕薄降反負約反覆其不用
天子之法度非一日之積也一不奉詔舉兵誅
之臣恐後來輩無時得息也今發兵行數千里
負衣糧入越地輿梁輻輸嶺輻音橋梁謂控舟
而入水控與也夏月暑時嘔洩霍亂之病相隨
屬也曾未接刃死傷者必衆矣且越人寡力薄
材不能陸戰又無車騎弓弩之用然而不可入

死下有者字

之字一從在處下

者以彼地險而中國之人不能其水土也能南
方暑濕近夏瘴熱瘴黃病暴露水居蝮蛇蠱蟲
蠱毒也疾疫皆作兵未血刃而病死十二三雖
舉越國而虜之不足以償所亡舉謂總臣聞道
路言閩越王弟甲弒王而殺之甲者閩王甲以
誅死其人未有所屬陛下若欲來之內處中國
使重臣臨存謂省以招致之此必携幼挾老以
歸聖德若陛下無所用之則繼其絕世存其亡
國建其王侯此必委質為藩臣代必供職貢陛
下以方寸之印丈二之組不勞一卒不頓一戟

通方

世通與卷之二

五

謝元慶

維下有女今反

顛音而威德並行。今以兵入其地，必雉兔逃入山林阻險。如雉兔之逃竄而背而去之，則復相羣聚，留而守之。歷歲經年，則士卒罷罷音疲，倦糧食乏絕，男子不得耕稼樹種，婦人不得紡績織。維陛下以四海為境，九州為家，生人之屬皆為臣妾。人徒之眾足以奉千官之供，稅租之收足以給乘輿之御。號令天下，四海之內莫不響應。陛下垂德惠以覆育之，使元元之昨安生樂業，則澤被萬代，傳之子孫。夷狄之地何足以為一日之間。問讀曰閑得其地物不而煩汗馬之勞。

郢一作胡

帝不從。兵未逾嶺，閩越王弟餘善殺郢以降。於是罷兵。後至子孫興立，其母太后本中國人。勸王及幸臣上書請比內諸侯。三歲一朝，其相呂嘉不欲，遂反攻殺太后。盡殺漢使者，立郢長男建德為王，發兵守要害處。於是令越人及江淮以南樓船十萬師征討之。元鼎五年秋，衛尉路博德為伏波將軍，自桂陽下匯水。今連山郡有匯水通四會或作匯音會主爵都尉楊僕為樓船將軍，出章郡下橫浦。今南康郡大故歸義越侯二人。故越人為戈船下瀨將軍。瀨水流沙上也。伍子胥有出謝元慶

謝元慶

零陵今或下離水或抵蒼梧今使馳義侯

越人因蜀罪人發夜郎兵下牂牁江咸會番禺

元鼎六年冬樓船將軍將精卒先陷尋陘破石

門今海南得越船粟因推而前挫越鋒伏波將

軍將罪人道遠後期與樓船會乃有千餘人遂

俱進樓船居前至番禺建德嘉皆城守樓船自

擇便處居東南面會暮樓船攻敗越人縱火燒

城越素聞伏波暮不知其兵多少伏波乃遣招

降者賜印綬復縱令相招來降者即賜印而

樓船力攻燒敵反驅而入伏波營中遲明遲文

面下有伏波居西北面

遣下一有使字

候上一有以字

城中皆降伏波呂嘉建德以夜與其屬數百人

亡入海伏波遣人追以故其校司馬蘇弘得建

德越郎都稽越中所得呂嘉戈船下瀨將軍兵

及馳義侯所發夜郎兵未下南越以平遂以其

地為儋耳珠崖南海蒼梧鬱林合浦交趾九真

日南九都並今郡地南安也置交趾刺史領自佗

王後凡五代九十三歲而亡焉其珠崖儋耳二

郡在海州上東西千里南北五百里今珠崖其

渠帥酋長耳皆穿珠而縋之垂肩三寸武帝末

珠崖太守會稽孫幸調廣幅布獻之蠻不堪役

真

謝元林

勿一作不無之字

君一作仁東地倒

遂攻郡殺幸幸子豹合率萬人還復破之自領郡事討擊餘黨連年乃平豹遣使封還印綬上書言狀制詔即拜豹為珠崖太守即就威政大行獻命歲至中國貪其珍賂漸相親侮故率數歲一反至元帝初珠崖數反賈誼孫捐之上書請勿擊之曰臣聞堯舜禹三聖之德地方不過數千里西被流沙東漸于海朔南暨聲教迄于四海欲與聲教即理之不欲與者不彊理也故君臣歌德含氣之物各得其且武丁成王殷周之大君也然東地不過江黃西不過氐羌南不

所下一有不字

通蠻荆北不過朔方是以頌聲並作禮聽之類咸樂其生越裳氏重九譯而獻此非兵革之所能致及其衰也南征不還以至于秦興兵遠攻貪外虛內務欲廣地不慮其害而天下潰畔賴聖漢為百姓請命平定天下至孝文皇帝偃武行文則斷獄數百人賦四十丁男三年而一事時有獻千里馬者詔不受其令四方無來獻至孝武皇帝以國富逸攘劫匈奴西連諸國至於安息東邊碣石以玄菟樂浪為郡更移營塞制南海以為九郡則天下斷獄萬數人賦數百造

謝元林

鹽鐵推酒之利以佐用度猶不能足當此之時
 寇賊並起征伐不休之故也今陛下不忍涓涓
 之忿欲敲士衆擠之大海之中快心幽冥之地
 非所以救助饑饉保全元元也詩云蠢爾荆蠻
 大邦爲讐自古而患之久矣何況乃服其南萬
 里之南乎駱越之人父子同川而浴相習以鼻
 飲與禽獸無異本不足置郡縣也顓顓獨居一
 海之中霧露氣濕多毒草蟲蛇水土之害人未
 見虜戰士自死又非獨珠崖有珠犀瑋瑁也棄
 之不足惜不擊不損威其人譬猶魚鱉何足貪

南一作蠻

元初一例

興下有錫光為交趾
五字無使字無交趾字

也臣竊以往者羌軍言之暴師曾不一年兵出
 不踰千里費四十餘萬大司農錢盡乃以少府
 禁錢續之夫一隅爲不善費尚如此况於勞師
 遠攻無用之土乎求之往古則不合施之當今
 又不便臣愚以爲非冠帶之國禹貢所及春秋
 所理皆可且無矣元初三年遂罷之凡二郡六
 十五部凡交趾所統雖置郡縣而言語各異重
 譯乃通人如禽獸長幼無別項髮徒跣爲髮於頂上
 以布貫頭而着之後徙中國罪人使雜居其間
 乃稍知言語漸見礼化光武中興使任延守交

歷求信

上本用交趾字

九

光一作建

米

大鳥

寫下有詩素二字無
素負二字其作甚
守下有蘇定二字立
作以糾作編
從作應各作畧

樓船

沙下有已陵二字也作地
四作山也作地注陵下有
江華二字郡下有地字
一守地

擊

究一作究

本一作南西二字

衡

遠防

古詩集卷之三

趾九貞交趾九貞並今之地於是教其耕種制為冠履初

設法令始知婚娶建立學校之禮至光武十六

年交趾女子徵側及其妹徵貳反攻郡縣徵側

麓冷縣左將之女也麓音象今承化郡也嫁為朱鸞人妻

素負其雄勇漢朱鸞今安南府縣交趾大守立法糾之側

忿故反於是九貞日南合浦蠻俚皆從之凡各

六十五城自立為王交趾刺史及諸太守人得

自守十八年遣伏波將軍馬援女工將軍段志

發長沙今長沙郡也桂陽今桂陽郡也零陵今零陵郡也蒼梧

今蒙山開江蒼梧兵萬餘人討之明年夏四月援

被交趾斬徵側徵貳等餘皆降散進于九貞

都陽等破降之徙其渠帥三百餘口於零陵嶺

表悉平章帝元和初日南徼外蠻夷究不事人

蠻夷別號邑豪獻生犀白雉永光中日南象林在日

今林邑國蠻夷二千餘人寇掠百姓於是置象林將

兵長史以防其患順帝元和二年日南象林邑

徼外蠻夷區憐等數千人攻象林縣燒城寺殺

長史州郡并力討之不利帝召公卿百官及四

府掾屬太尉司馬司問其方畧皆議遣荆今南

陵江夏安陸義陽揚今淮南廣陵等郡江南丹

長沙德陽等郡地揚今淮南廣陵等郡江南丹

唐承信

充今陳留許昌東平荆河今潁川汝南淮陽四

萬兵赴之。大將軍從事中郎李固駿曰：若荆楊

無事，發之可也。今二州盜賊盤結不散，而復擾

動，必更生患。又兖州荆河之人，遠赴萬里，詔書

迫促，必致叛去。軍行三十里為程，而去日南九

千餘里，三百日乃到。計人廩五升。古升小，故用

米六十萬斛，不計將吏驢馬之食，但負甲自致，

費便若此。九貞日南相去千里，發其吏人，猶尚

不堪，何況以四州之卒赴萬里之艱哉！前中郎

將伊就討益州，益州諺曰：虜來尚可，伊來殺我。後

伊一作尹下同

就徵還，以兵付刺史張喬。因其將吏旬月之間，

破殄寇虜，此發將無益之効。州郡可任之驗也。

宜更選有勇畧仁惠任將帥者，以為刺史太守。

悉使往止交趾府下。時刺史李廣信，今今日南

兵單無谷，守則不定，戰又不能，可一切徙其吏

人北，依交趾。事靜之後，乃令歸還募蠻夷使自

相攻，有能反間致頭首者，許以封土之賞。故并

州刺史長沙祝良性多勇決，又南陽張喬前在

益州，有破虜之功，皆可任用。昔文帝就加魏尚

為雲中，哀帝即拜襲舍為大山，今宜即拜良等。

葉華

是下有卒字具作其

便道之官。於是拜祝良為九真太守。張喬為交趾刺史。喬良至。單車入賊地。設方畧。招以威信。嶺外復平。其後屢為反叛。州郡兵討降之。至靈帝建寧三年。鬱林郡太守谷永以恩信招降。烏許人十餘萬內屬。皆受冠帶。開置七縣。然自漢以後。列置州縣。徭俗難理。率數歲一亂。終不足為大患。大唐大曆中。循州刺史奇舒。是龍殺嶺南節度使呂崇。黃據廣州。及詔戶部尚書路真。公嗣。恭總兵討之。是具徒守拒。凡三歲而滅。

海南序畧

海南諸國。漢時通焉。大抵在交州南及西南。居

一無帝字

大海中洲上。相去或五百二三百里。五千三千里。遠者二三萬。乘舶舉帆。道理不可詳知。外國諸書。雖言里數。又非定實也。其西與諸胡國接。元鼎中。遣伏波將軍路博德。開百越。置日南郡。其徼外諸國。自武帝以來。皆朝見。後漢桓帝時。大秦天竺。皆由此道。遣使貢獻。及吳孫權遣宣化從事。應中郎康泰使諸國。其所經及傳聞。則有百數十國。因立記傳。晉代通中國者。蓋數及宋齊。至者有十餘國。自梁武。隋煬帝。諸國使至。踰於前代。大唐貞觀以後。聲教遠被。自古未通者。

遼陽

杜氏通典卷百八

重譯而至又多梁隋焉其無異聞亦不復更記

黃支

隋一作漢

黃支國隋時聞焉在合海日南之南三萬里俗
畧與珠崖相類自武帝以來皆獻見有明珠玉
璧琉璃奇石異物大珠至圍二寸以下而至圓
者置之平地終日不停

哥羅

哥羅國漢時聞焉在槃槃東南亦曰哥羅富沙
羅國云其王姓矢利婆羅名米失鉢羅其理城
累石為之城有樓闕門有禁衛宮室覆之以草

稍

國有二十四州而無縣庭列儀仗有熏以孔雀
羽飾焉兵器有弓箭刀稍皮甲征伐皆乘象一
隊有象百頭每象有百人衛之象鞍有鈎攔其
中有四人一人執盾一人執弓矢一人執及一
人執刀賦稅人出銀一銖國無蠶絲麻紵唯出
古貝布畜有牛少馬其俗非有官者不得上髮
裹頭又嫁娶初問婚惟以檳榔為禮多者至二
百盤成婚之時唯以黃金為財多者至二百兩
婦人嫁訖則從夫姓音樂有琵琶橫笛銅鈸鐵
鼓簧吹蠡擊鼓死亡則焚屍盛以金甕沉之大

唐永信

海

林邑

置一作植下柱作惠

林邑國秦象郡林邑縣地漢為象林縣屬日南郡古越裳之界也在交趾南海行二千里其地縱廣可六百里去日南界四百餘里其南水步道二千餘里有西屠夷亦稱王焉馬援所置兩銅柱表漢界柱也馬援北還留十餘戶於銅柱處至隋有三百餘戶悉姓馬士人以爲流寓號曰馬留人銅柱尋沒馬留人常識其處林邑記馬援樹兩銅柱於象林南界與西屠國分漢之南境又云銅柱山周十里形如倚蓋西跨重岩東臨大海屈璆道理記云林邑大浦口有後漢末大亂縣功曹姓區有子曰五銅柱焉

香一作者

殺縣令自號爲王子孫相承吳時通使其後王無嗣外孫范雄代立雄死子逸代立其國有金山石皆赤色其中生金金夜則出飛狀如螢火又出瑇瑁貝齒古貝沉香古貝者樹名也其葉盛時如鷲毳抽以績紡作布潔白與紵布不殊亦染成五色織爲斑布也沉香土人破斷之積以歲年朽爛而心節獨在置水中則沉故名曰沉香次不沉者曰棧香也又出猩猩獸爾雅云肉之美者猩猩之唇多琥珀松脂淪入地千歲爲茯苓又千歲爲琥珀又云楓脂爲之琥珀在地其上

唐永信

及旁不生草木深者或八九尺大如斛削去皮
 驚初如桃膠凝成乃堅其金寶物產大抵與交
 趾同以磚為城層灰塗之居處為閣名曰干闥
 皆開北戶以向日或東西無定尊官有二其一
 曰西郡婆帝其二曰薩婆地哥其屬官三等其
 一倫多姓次哥倫致帝次乙地伽蘭外官分為
 二百餘部其長官曰弗羅次曰阿倫如牧宰之
 差也書樹葉為紙施柳葉為席男女皆以橫幅
 古貝繞腰以下謂之干漫亦曰都漫穿耳貫小
 環貴者著革履賤者跣行自林邑扶南諸國皆

金下二有花字

然也其王戴金冠形如章甫加瓔珞出則乘象
 吹螺擊鼓罩古貝繖以古貝為幡旗國不設刑
 法有罪者使象蹋殺之林邑浦外有不勞山罪
 人亦送此山令其自死其大姓號婆羅門嫁娶
 必用八月女先求男貴男而賤女也同姓還相
 婚姻人性凶悍果於戰鬪有弓箭刀槊以竹為
 弩樂有琴笛琵琶五絃頗與中國同每擊鼓以
 警眾吹蠶以節戎其人深目高鼻髮拳色黑婦
 人推髻四時暄暖無霜雪王死七日而葬有官
 三日庶人一日皆以函盛屍鼓舞導從輦至水

貴上有由字

次積薪焚之。收餘骨。王則入金甕中。沉之於海。有官者用銅沉之海口。庶人以瓦送之於江中。男女截髮隨喪。至水次。盡哀而止。其寡婦孤居。散髮至老。人皆奉釋法。文字同於天竺。尼乾道。鑄金銀人像。大十圍。至晉武帝太康中。又來貢。獻成帝咸康二年。范逸死。奴文篡位。奴文昔嘗北至洛陽。商貨因教王作宮室。兵陣器械。王愛信之。使為將。乃讚王諸子。或徙或奔。及王死。無嗣。遂自立為王。乃攻旁國。并之。有眾四五萬。至穆帝永和三年。又率其眾攻陷日南。今郡也

其地。告交州刺史朱蕃。交州今安南以求日南北鄰。

今郡也橫山為界。初。徼外諸國常賫寶物。自海路

來。貨賄而交州刺史日南太守多貪利。侵侮

十折二三。由是諸國怨憤。且林邑少田。故貪日

南之地。文又襲九貞。今郡也害士庶十八九。文死

子佛立。猶在日南。九貞太守灌遂率兵討佛。走

之。遂追至林邑。時五月。立表。日在表北。影在表

南。九寸一分。自北影之南。故開北戶。以向日。此

大較也。佛乃請降。其後頗寇日南。九德之郡。今安

南日南郡界殺傷甚多。交州遂至虛弱。至佛曾孫文

陽邁死其一作死二字

邊陲

卷一百一十一

七

敵後為扶南王子當根純所殺大臣范諸農平其亂而自立為王死子陽邁立陽邁死其子咄

復名曰陽邁

初其父陽邁母始產夢人以金籍

纂交業

宋文帝元嘉中侵暴日南九德諸郡

德郡今安南日南郡界

宋使振武將軍宋元幹討之剋林

邑陽邁父子並挺身奔逃所獲珍異皆是未名

之寶又銷其金人得金數十萬斤其後累代自

宋齊梁陳皆遣使朝貢隋文帝既平陳後遣大

將軍劉方率步騎萬餘擊之其王梵志率其徒

棄象而戰方多掘小坑草覆其上因以兵挑之

餘下有人字無上字

率一作悉

梵志率眾而陣方偽北走梵志逐之其象多

轉相警駭軍遂亂方縱兵擊大破之遂棄城而

走方入其都獲其廟主十八枚皆鑄金為之蓋

有其國十八葉矣方既平其國班師故地遂空

梵志收拾遺人別建國邑至大唐貞觀中其王

范頭黎死率國人共立頭黎女為王諸葛地者

頭黎之姑子女王獨在國中不寧大臣可倫翁

定乃立定地為王妻之以女主其國乃定諸葛

地自立後遣使可倫因地盤獻火珠形如水精

日正午時以珠承影取艾衣之火見云得之於

率恐行

拾一作合

有其一倒

余浩

羅刹國今之環玉國主卽梵志之後在日南郡西陸行二十餘日方至

扶南

扶南國在日南郡之南海西大島中去日南可七千里在林邑西南三千餘里其境廣袤三千餘里國俗裸體文身被髮裸卽果反不制衣裳其先有女爲王號曰柳葉年少壯健有似男子其南有激國人名混潰來伐柳葉降之遂以爲妻惡其裸露形體乃穿疊布貫其首理其國子孫相傳至王混盤况死國人立其大將范曼爲王曼勇健有權畧以兵威伐旁國咸服屬之自號扶

裸體一作本體

范下有師字曼作蔓

是下有吳字

閣一作閣

南大玉開地五六千里蔓死國亂大將范曼立爲王是晉時也土地坳下而平博氣候風俗物產大較與林邑同有城邑宮室國王居重疊閣以木柵爲城海邊生大若葉長八九尺編其葉以覆屋國人亦爲閣居爲舩八九丈廣纔六七尺頭尾似魚國王行乘象人皆醜黑拳髮裸身跣行耕種爲務一歲種三歲穫又好疇文刻鏤食器多以銀爲之出金鋼可以刻玉狀似紫石英其所生乃在百丈水底盤石上如鍾乳人沒水取之竟日乃出以鐵鎚之而不傷鐵乃自

余浩

損以殺羊角扣之。漼然冰泮。貢賦以金銀珠香。亦有書記府庫。文字類胡。吳時遣康泰朱應使於尋國。國人猶裸。唯婦人著貫頭。泰謂曰。國中實佳。但人藜露可恠耳。尋令國內男子著橫幅。今干漫也。大家乃截錦為之。貧者以布。又有老鷓入海為玳。可以裁作馬勒。謂之珂。西晉大始大康中。皆遣使貢獻。東晉時有竺旃檀稱王。亦遣使其後王。姓僑陳如。本天竺婆羅門也。有神語曰。應王扶南。僑陳如南至盤盤。扶南人聞之。迎而立焉。復改制度。用天竺法令。其國人居不穿

削一作剃髮鬢倒

并數十家共一池。引汲之。俗事天神。以銅為像。二面者四手。四面者八手。各有所持。或小兒或鳥獸。或日月。王坐則偏踞。翹膝垂左膝至地。以白疊敷前。設金盆香爐於其上。居喪則削除髮鬢。人無禮義。男女恣其奔隨。宋齊梁並獻方物。隋時其國王姓古龍。諸國多姓古龍。訊耆老言。崑崙無姓氏。乃崑崙之訛。隋代遣使貢獻。大唐武德後。亦頻來貢。貞觀中。又獻白頭國二人於洛陽。其國在扶南之西。在叅半之西南。男女生皆素首。身又凝白。居山洞之中。四面岩嶮。故人莫

唐乃右

至與參半國相接

頓遜

頓遜國梁時聞焉

典一曰在海崎山上

地方千里

千下有餘字

一無及字

一無為字

焉下一有所以然三字

王並羈屬扶南北去扶南可三千里其國之東
界通交州其西界接天竺及安息徼外諸國賈
人多至其國而為市焉頓遜廼入海中千餘里
漲海無涯岸舶未曾得逕過也其市東西交會
日有萬餘人珍寶物貨無種不有又有酒樹似
安石榴採其花汁停酒甕中數日成酒出藿香
栴枝便生葉如都梁以梟衣國有區撥等花十

餘種冬夏不衰日載數十車貨之其花燥更
馥亦末為粉以傳身焉其俗又多鳥葬將死親
賓歌舞於郭外有鳥如鸞口鵞鵠而紅色飛來
萬許家人避之鳥食肉將盡乃去燒其骨沉海
以為上行人也鳥若廻翔不食其人乃自悲復
以為已有穢更就火葬以為次行人也若不能
生入火又不被鳥食以為下行人也

毗騫

毗騫梁時聞焉在頓遜之外大海州中去扶南
八千里傳其王身長丈二尺頭長三尺自古來

梁上一有國字

不死莫知其年其王神聖知將來事南方號曰
長頭王國俗有室屋衣服噉粳米其人言語小
異扶南國不受估客有往者亦殺而噉之是以
商旅不敢至王常樓居不血食不事神鬼其子
孫死如常人又傳扶南東界即漲海中有大洲
洲上有諸薄國國東有馬五洲復東行漲海千
餘里有燃火洲其上有樹生火中洲左近人割
取其皮紡績作布極得數尺以為手中與焦麻
無異而色微青黑若小有垢汙則投火復更精
潔

平陀利

平陀利國梁時通焉在南海州上其俗與林邑
扶南畧同出斑布古貝檳榔特精好為諸國之
極武帝天監中遣使貢方物

狼牙脩

狼牙脩國梁時通焉在南海中其界東西三十
日南北二十日行北去廣州二萬四千里土氣
物產與扶南畧同偏多棧沉婆律等香其俗男女皆
袒而披髮以古貝布為汗漫其王及貴臣乃加
雲霞布覆以金繩為絡帶金環貫耳女子則披

柳下二有檀柳二字

日下二有行字

覆下二有辭字 薄部反

陳林

布以瓔珞繞身其國累磚為城重門樓閣王出
乘象有旛旄旗鼓罩白蓋兵衛盛設武帝天監
中遣使獻方物其使云立國以來四百餘年

婆利

婆利國梁時通焉在廣州東南海中洲上自交
趾浮海南過赤土丹丹國乃至其國去廣州二
月日行國界東西五十日行南北二十日行有三
十六聚土氣暑熱如中國之盛夏穀一歲再熟
草木常榮海出文螺紫貝有石名坭戶談貝羅
初採之柔軟刻削為物暴乾之遂堅硬有鳥名

會刺解人語其國人皆黑色穿耳附璫披古貝

如杷及為都縵王乃用斑絲者以瓔珞繞身頭
著金長冠高尺餘形如弁綴以七寶之飾帶金
裝劔坐金高坐以銀蹬支足侍女皆為金花雜
寶之飾或持白毼拂及孔雀扇丑以象駕輿施
羽蓋珠簾其導從吹螺擊鼓國人善投輪刃其
大如鏡中有竅外鋒如鋸遠以投入無不中其
餘兵器與中國畧同俗類真蠟物產同於林邑
王姓憍陳如自古未通中國武帝天監中來貢
隋大葉中又遣使貢獻其王姓利利耶伽大唐

貞觀中又遣使朝貢

槃槃

槃槃國梁時通焉在南海大洲中北與林邑隔小海自交州船行四十日至其國其王曰楊粟音粟翼父曰楊德武以上無得而紀百姓多緣水而居國無城皆豎木為柵王坐金龍牀每坐諸大人皆兩手交抱肩而跪又其國多婆羅門自天竺來就王乞財物王甚重之其大臣曰敦郎索濫次曰崑崙帝也次曰崑崙敦和次曰崑崙敦索其言崑崙古龍聲相近故或有謂為

武下有連字

和下有胡卧反

昔龍者其在外城者曰那延猶中夏刺史縣令其矢多以石為鏃稍則以鐵為刃有僧尼寺十所僧尼讀佛經皆食肉而不飲酒亦有道士寺一所道士不食酒肉讀阿脩羅王經其國不甚重之俗皆呼僧為比丘呼道士為貧隋大業中亦遣使朝貢

赤土

赤土國隋時通焉扶南之別種也直崖州之南渡海水行便風十餘日經鷄籠島至其國都土色多赤因為號東波羅刹國西羅婆國南訶羅

國下一有折字

唐姪祐

閣

坐下一有坐字

花一作光

國北拒大海地方數千里王姓嬰曇氏名利富
 多塞不知有國遠近居僧祇城亦曰師子城有
 門三重相去各百許步王宮諸屋悉是重閣北
 面而坐三重之榻衣朝霞布冠金花冠垂雜寶
 嬰珞三榻後作一木龕以金銀五香木雜鈿之
 龕後懸一金花焰遠視如項後其官薩陀伽羅
 一人陀孛孛女除反達又二人迦利密迦三人共掌
 政事俱羅末帝一人掌刑法每城置那耶迦一
 人鉢帝一人其俗皆穿耳剪髮無跪拜之禮以
 香油塗身俗敬佛九重婆羅門婦人作髻於頂

冬下一有卜字

一無二字

後男女通以朝霞朝雲雜色布為衣豪富之家
 意華靡唯金鑠非王賜不得服用冬夏常濕雨
 多霽少種植無時特宜稻稌音祭白豆黑麻自餘
 物產多同於交趾以甘蔗作酒雜以紫瓜根戲
 有雙六鷄冬至之日影直在下夏至日影在南
 戶皆北向煬帝時募能通絕域大業四年屯田
 主事常駿虞部主事王君正等應召駿等自南
 海郡乘舟晝夜二旬每值便風至焦石山而過
 東南泊陵伽鉢拔多洲西與林邑相對上有神
 祠焉又南行至獅子石是島與連接又行二三

卷一百六

日西見狼牙修國之山。於是南達鷄籠島。至於赤土之界。月餘至其國都。駿等奉書上詔國王以下。至皆坐。宣詔訖。引駿等入宴。王前設兩牀。牀上並設草葉盤。方丈五尺。上有黃白紫赤四色之餅。牛羊魚鼈猪瑇瑁之肉百餘品。延駿升牀。從者坐於地席。及還。遣那耶迦隨駿貢方物。既入海。見綠魚群飛水上。浮海十餘日。至林邑東。南並山而行。其海水濶千餘步。色黃氣腥。舟行十日不絕。云大魚糞也。循海北岸。連于交趾。六年還到中國焉。

岸

真臘

一作通

真臘國隋時聞焉。在林邑西南。本扶南之屬也。去日南郡舟行六十日而至。南接車渠國。西有朱江國。王姓刹利。自其祖漸以強盛。至其王質多斯那。遂兼扶南而有之。死。子伊奢那。代立。大業中。遣使朝貢。伊奢那城郭二萬餘家。城中有大堂。是其王聽政之所。大城三十所。有數千家。各有部帥。官名與林邑全。其王坐五香七寶牀。施寶帳。以文木為竿。象牙鈿為辟。狀如小屋。懸金光焰。有同於赤土。有五大臣及諸小臣。朝於

頁下有一居於二字

以一作已

提

王者輒於階下三稽首。王喚上階，則跪以兩手抱膊。遶王還坐，議政事訖，跪伏而去。其國與余半朱江二國和親，數與林邑陀洹二國戰爭。王初立之日，所有兄弟並刑殘之，或去一指，或割其鼻，別處供給，不得仕進。人形小而色黑，婦人亦有白者，悉奉髮垂耳，性氣犍勁，居處器物頗類赤土，以右手為淨，左手為穢，飲食多酥酪沙糖，抗米餅，欲食之時，先取雜肉羹與飯相和，手揣而食。其國北多山阜，南有水澤，地氣尤熱，有娑羅那婆樹，無花葉，似柿，實似冬瓜。菴羅樹花葉

似棗，實似李。毗野樹花似木瓜，葉似香實，似棗。娑田羅樹花葉實並似棗而小異，歌畢佗樹花似李，葉似榆而厚大，實似李，其大如升，其餘多同。九真海中有魚名建同，四足無鱗，其鼻如象，吸水上噴，高五六尺，有浮湖魚，其形似鯢，背如鸚鵡，有八足，多大魚，半身出水，觀之如山。每五六月中，毒氣流行，即以百猪百羊於城西門外祠之，不然五谷不登，六畜多死。人眾疾疫，東有神名娑多利，祭用人肉，其年王別殺人，以夜祠禱，有守衛者千人，其敬鬼神如此，多奉佛法，尤信道。

猪一作牛

以一作亦

一無神字

士佛及道士立像於館。大唐武德六年遣使獻
方物。

羅利

羅利國在婆利之東。其人極陋。朱髮黑身。獸牙
鷹爪。時與林邑人作市。輒以夜。晝日則掩其面。
隋煬帝大業三年遣使常駿等使赤土國。至羅

利。

投和

膊

投和國隋時聞焉。在海南大洲中。真臘之南。自
廣州西南水行百日至其國。王姓投和。羅名

邪乞。遙理數城。覆屋以瓦。並為閣而居。屋壁皆
以彩畫之。城內皆王宮室。城外人居可萬餘家。
王宿衛之士百餘人。每臨朝則衣朝霞冠。金冠
耳掛金環。頸掛金涎衣。足履寶裝皮履。官屬有
朝請將軍。總知國政。又有叅軍。功曹。主簿。城局
金威將軍。贊理贊府等官。分理文武。又有州及
郡。縣。州有叅軍。郡有金威將軍。縣有城局。其為
長官。初至各選官僚。助理政事。刑法盜賊重者
死。輕者穿耳及鼻。并鑽鬚。私鑄銀錢者截腕。國
無賦稅。俱隨意供奉。無多少之限。多以農商為

張七郎

業國人乘象及馬。一國之中，馬不過千匹。又無鞍轡，唯以繩穿頰為之。節制音樂，則吹蠡擊鼓。死喪則祠祀哭泣，又焚屍以鬻，盛之沉於水中。若父母之喪，則截髮為孝。其國市中所貿易，皆用錢，銀錢小如榆莢。有佛道，有學校，文字與中夏不同。訊其耆老云：王無姓名，齊杖摩其屋，以草覆之。王所坐塔圓似佛塔，以金飾之，門皆東開，坐亦向東。大唐貞觀遣使奉表以金函盛之，又獻金盃、金鎮寶帶、犀象海物等數十品。

丹丹

觀下一有中字

一金山字

丹丹國隋時聞焉，在多羅磨國西北，振州東南。振州今延德郡王姓利利，名尸陵伽，理所可二珠崖同島山上萬餘家，亦置州縣以相統領。王每晨夕二時臨朝，其大臣八人，號曰八座，並以婆羅門為之。王每以香粉塗身，冠通天冠，掛雜寶嬰珞，身衣朝霞，足履皮履。近則乘輿，遠則馭象。其攻伐則吹蠡擊鼓，兼有幡旗。其刑法盜賊無多少皆殺之。土出金、銀、白檀、蘇方木、檳榔。其谷唯稻，畜有沙牛、羖羊、猪、鷄、鶩、鴨、麀、鹿、鳥、有越鳥、孔雀、果、蒺、果、力。反有蒲桃、石榴、瓜、瓠、菱、蓮、菜、有葱、蒜、蔓青。

張即

隣

邊斗國一云都昆國都一云拘利國九一云比高國並隋時聞焉。扶南度金陵大灣南行三千里有
此四國其農作與金隣同其人多白色都昆出
好棧香藿香及流黃其藿香樹生千歲根本甚
大伐之四五年木皆朽敗唯中節堅固芬香獨
存取以為香。

杜薄

杜薄國隋時聞焉在扶南東漲海中直海渡數
十日而至其國人貌白皙皆衣服國有稻田女

直下有波字

子作白疊華布出金銀鐵以金為錢出鷄舌香
可含以香不入衣服鷄舌其為木也氣辛而性
厲禽獸不能至故未有識其樹者華熟自零隨
水而出方得之杜薄洲有十餘國城皆稱王

薄刺

薄刺國隋時聞焉在拘利南海灣中其人色黑
而齒白眼睛赤男女並不衣服

不一作無

敦焚

敦焚洲抱朴子云敦焚洲在南海中薰綠水膠
所出膠如楓脂所以不可多得者止患結狃音上

江毛刊

音屈 獸啖久此獸大者重十斤狀如水獺其頭
身及佗處了無毛唯從鼻上以竟脊至尾上有
毛廣一寸許青毛長三四分許其無毛處則如
韋囊人張捕得之斬刺不傷積薪烈火縛以投
火中薪盡此獸不死須以大杖打之皮不傷而
骨碎都盡乃死耳

水而火山

中下一有山字

中山一作火中

火山國隋時聞焉去諸薄東五千里國中皆有
火雖雨不熄中山有白鼠扶南土俗傳云火洲在
五洲之東可千餘里春月霖雨雨止則火燃洲

上林木得雨則皮黑得火則皮白諸左右洲人
以春月取其木皮績以為布或作燈炷布小有
穢投之火中復潔又有加營國北諸薄國西山
周三百里從四月火生正月火滅火燃則草木
葉落如中國寒時人以三月至此山取木皮績
為火浣布

無論

無論國隋時聞焉在扶南西二千餘里其國大
道左右夾種枇杷樹及諸華果行其下常有玄
陰十里一亭亭皆有井食麥飯飲蒲桃酒如膠

飲下一有即字

若飲以冰和之味甚甘美

婆登

婆登國在林邑南海行二月東與訶陵西與迷
黎車接北隣大海風俗與訶陵同種稻每月一
熟有文字書於貝多葉其死者口實以金又以
金釧貫於四支然後加以婆律膏及檀沉龍腦
等香積薪以燔之大唐貞觀二十一年遣使朝
貢

烏篤

烏篤國在中天竺南一名烏伏那地方五千餘

百姓殷實人性懦弱頗詭詐尤工禁術
佛法文字禮儀畧同天竺自古不通中國
貞觀中其王達摩因陀訶斯遣使獻龍腦香

陀洹

陀洹國在墮和羅西北大唐貞觀中遣使獻鸚
鵡毛羽皓素頭上有紅色數十莖與翅齊

訶陵

訶陵國去真臘之南大唐貞觀中遣使獻金花
等物王之所居堅木為城造大屋重閣覆以椽
欄所座牀悉以象牙為之食以手探探古反之又

欄下一有皮字

閣

長

長

長

長

人則有毒一作別有毒

西活

臭爛一易地

邊下有国字

以椰樹花為酒飲之亦醉有山穴母涌而出鹽
國人取之以食其國人則有毒與常人同止宿
則令身上生瘡與之交合便即致死若涎液露
著草木即枯其人身死不臭不爛

多蔑

多蔑國大唐貞觀中通焉在南海邊界周廻可
一月行南阻大海西俱游國北波刺國東陀洹
國戶口極多置三十州不役屬他國有城郭宮
殿樓櫓並用瓦木以十二月為歲首其物產有
銀銅鐵象牙犀角朝霞朝雲其俗交易用金

蔬菜一倒

朝霞等衣服百姓二十而稅一五谷蔬菓
中國不殊

多摩長

羊一作半

向一作面坐

多摩長國居於海島東與婆鳳西與多隆南與
羊支跋華言五山也北與訶陵等國接其國界
東西可一月行南北可二十五日行其王之先
龍子也名骨利骨利得大鳥卵剖之得一女子
容色殊妙即以為妻其王尸羅劬傭伊說即其
後也大唐顯慶中遣使貢獻其俗無姓王居以
柵為城以板為屋坐獅子座東向衣物與林邑

通

生

三三

三

同勝兵二萬餘人。無馬。有弓刀甲稍。婚姻無同
姓之別。其食器有銅鐵金銀。所食尚酥乳酪沙
糖石蜜。其家畜有殺羊水牛野獸有麀鹿等。死
亡無喪服之制。以火焚其屍。其音樂畧同天竺。
有波那婆宅護遮菴磨石榴等果。多甘蔗。從其
國經薩盧都思訶盧君那盧林邑等國。達於交
州。

哥羅舍分

哥羅舍分在南海之南。其國地接墮和羅國。勝
兵二萬人。其王滿越伽摩。大唐顯慶五年遣使

朝貢。

蘇曰古者九夷八蠻無大君長紛紛籍籍不
相統制惟北狄之種常為大國以抗中夏然
蠻夷之俗種姓分別千人為部百家為黨見
利則聚輕合易散族類不一其心終莫相愛
故其兵利於疾戰而不利於遲久北狄之人
綿地千里控弦百萬侯王君長通為一家人
畜富庶蔓延山谷之間其心常有所愛重而
不忍去故其兵利於持久而不利於疾戰此
二者其大小之勢各有所便宜乎中國之所

以待之者各有道也。今夫北狄之人伏於陰山之下，養兵練士，居而不戰，此其志未嘗須臾忘中國也。然其心以為戰而勝，人猶不若不戰而屈人之兵，戰而不勝，民之死者未可知也。故常大言虛喝而不迫，以謀弊中國，蓋其所愛者愈大，故其謀之愈深，而發之愈緩，以求其不失也。若夫西戎南蠻西南夷之民，悉其衆庶，尚不能當狄人之半，而其酋長每為亂，不能自禁，此誠無愛於其心，而僥倖於一戰，以用其烏合之衆而已。故夫蠻夷之人

擾邊求利，其中非有大志者，其類皆可以讒來也。愚嘗觀於西南徼外，以臨蠻夷之衆，求其所以為變之始，而遂至於攻城郭殺人民，縱橫放肆而不可救者，其積之莫不有漸也。夫蠻夷之民，寧絕而不可通，今邊鄙之上，利其貨財而納之於市，使邊民陵侮欺謾而奪其利，長吏又以為優民而不知禁，窮憲無聊，莫可告訴，故其勢必至於解仇結盟，攻剽蹂踐，殘之於鋒鏑之間，而後其志得伸也。嗟夫，為吏如此，又見其不知本矣。通關市，載吏民待

是防
有正典百八卷
之如中國之民彼尚誰所激怒而爲此哉然
事不患乎不知而患乎人知不能用昔班超
處西域數十年西破龜茲北伏匈奴及將東
歸或以爲必有奇謀乃就問其計然其言止
曰察見淵中魚不祥屯戍之士皆非忠臣孝
子不可盡繩以法當是時莫不皆笑以爲不
足用然及西域之亂終亦如此故夫謀非必
奇而可用而在乎當否而已古者四夷皆置
校尉而益州有蠻夷騎都尉以治其事使其
強者不能內侵而弱者不爲中國之所侮

爲是也

蘇子由文

范曰戎狄自古迭爲中國患由秦以來未有
得志於南蠻者也蓋以瘴毒險阻不得天時
地利所恃者人和而已而民從征役皆知必
死如往棄市則是三者皆忘矣秦發閭左戍
五嶺而陳項起秦遂以亡漢初文帝欲誅趙
佗士卒不能踰嶺武帝擊越發兵江淮因巴
蜀罪人等放之蓋不可以中國之師涉其地
世遂滅南越以爲九郡元帝卒罷朱崖光武
遣馬援擊交趾最爲有功然三年而後士卒

死者什五六乃得一女子之首其難也如是
是以聖王不重外而輕內不勤遠而忘邇恐
征伐不息變生於內而搖其本也唐鑑

杜氏通典卷一百八十八

杜氏通典卷一百八十九

○唐京兆杜佑君卿纂明御史後學李元陽仁甫校刊

邊防五 西戎一

序畧

卷無戈

湟中月氏胡

氏

葱苾羌

序畧

西羌本出三苗蓋羌姓也其國近衡山今長沙

陵江華及舜徙之三危三危山今在嶺南漢金城

之西南羗地是也今金城會寧安鄉西濱於賜

支續漢書曰河關西可千餘里有河曲羌謂之

支賜支蓋折支也按漢河關縣屬金城郡則今

杜氏通典卷一百八十九

葉伯登

注也作地

七

安鄉郡也其賜支在其西又按風俗通云至于
 羌者其先本戎賤主牧羊故羌字從羊至于
 河首縣地千里南接蜀漢徼外蠻夷西北鄯善
 車師諸國所居無常依隨水草地少五穀產牧
 為業其俗氏族無定或以父名母姓為種號妻
 後母納娶嫂娶音離如北狄之俗故國無鰥寡種
 類繁熾廣志云羌與北狄同其人魯鈍饒妻妾
 高貴者聘至百犢女披大華氈或至百人嫁女得
 以為盛服一狗皮直數十匹自古不立君臣
 無相統一強則分種為酋豪弱則為人附落更
 相抄掠以力為雄殺人償死無他禁令其兵長
 於山谷短於平地不能持久而果於觸突以戰

夏啓之子大康失國四夷背叛及后相立乃征
 畎夷即大戎也夷者四蕃之總號七年然後來賓至于后泄
 始加爵命由是服從泄啓八代孫后桀之亂畎
 夷入居邠岐之間邠今新平郡岐今扶風郡咸湯既興伐而
 攘之及殷室中衰諸戎皆叛至于武丁征西戎
 鬼方克之武丁高宗易曰高宗伐鬼方也後漢史西羌傳云武丁征西戎鬼方三年
 乃克故其詩曰自彼氏羌莫敢不來王言因高宗討伐然後氏羌朝享按商頌曰捷彼殷武奮
 伐荆楚深入其阻哀荆之旅言殷道衰荆楚背叛高宗能出其伐之美其功也又曰惟汝荆楚
 君國南鄉昔有成湯之自彼氏羌莫敢不來享莫
 敢不來王言成湯之時遠夷西方氏羌之國皆

葉啓

上卷周書卷之七

二

采

疑一作宜戎作羌

時一作時

矛

來朝見汝中國之南方乃皆叛之此責之之辭
非謂高宗時氏羌也時高宗之伐荆楚蔚宗不
 詩誤引此詩以附合也又按竹書周王季伐西
 落鬼戎後漢章帝紀有司述明帝功德又云克
 伐鬼方開通西城則鬼方疑是西戎也或云鬼
 陰類鬼方即北方斯乃臆斷諸家因謂之北狄
 矣及武乙暴虐畎戎寇邊周古公踰梁山在今
 縣西而避于岐下在今扶風郡界及王季逐伐西落鬼
 戎竹書紀年曰武乙三十五年
 年周王季伐西落鬼方自是之後更伐始
 呼鬻徒之戎皆克之竹書紀年曰大丁七年周
 人伐始呼之戎捷其三大
 也及武王伐商羌鬻率師鬻音
 予會于牧野至穆
 王時戎狄不貢王乃西征畎戎獲其五王遂遷
 戎於太原夷王衰弱及宣王立召秦莊公興兵

破之其後侵盜不已至幽王昏虐西戎寇周
 殺幽王於酈山酈山京兆府界周乃東遷洛邑及平王
 之末周遂陵遲戎逼諸夏至隴山以東及乎伊
 洛往往有戎於是渭首有狄獯邽之戎狄獯
 並今隴西郡邽邽並今天涇北有義渠之戎
 今安化郡洛水郡獯音拒邽音珪渭南有酈戎今昭伊
 應縣伊
 川有大荔之戎今洛交中渭南有酈戎今昭伊
 應縣伊
 洛間有楊拒泉臯之戎潁洛以西有蠻氏之戎
 今潁川郡間在中國與諸夏盟會後晉滅驪戎今昭
 應縣是時伊洛戎強東侵曹魯襄王時秦晉自瓜州
 今咸陽晉昌郡地遷陸渾之戎於伊川允姓之戎遷于

黃元

遺

卷一百一十九

三

渭汭也。姓陰戎之祖。與三苗俱放。三危。即瓜州。
 陸渾之戎。於伊川。本在秦晉西北。二國誘而徙。
 之。遂從我號。至今為陸渾焉。縣水口曰汭。今涼
 州府北。新平彭原之間。一云汭。東至鞏。鞏。今河
 南新平宜祿縣。亦有宜祿水。陽翟界在河南山北者。號曰陰戎。上洛郡北。自今
 陸渾秦穆公得戎人由余。遂霸西戎。開地千里。余
 其先晉人。及晉悼公。又使魏絳和諸戎。復修霸
 業。其後陰戎之種。遂以滋廣。與晉伐周。左傳魯
 年。晉大夫梁丙率陰戎。以伐潁。潁。周邑。陰戎。即
 陸渾戎也。景王使詹桓伯責晉平公。曰。允姓之
 姦。居於瓜州。伯父惠公。歸負秦而誘以來。使
 伯。我諸姬。入我郊甸。戎有中國。晉之咎也。後
 陸渾戎叛晉。晉荀吳滅之。後楚執蠻氏。而盡囚

其人。至周貞王八年。秦厲公滅大荔。取其地。
 亦滅北戎。韓魏後侵伊洛。陰戎滅之。其遺脫者。
 皆走西踰汧隴。自是中國無戎寇。唯餘義渠種。
 最為強盛。屢為秦患。及昭王起兵滅之。始置隴
 西。今天水隴西金城會寧北地。今安定彭原安
 朔及五原。上郡焉。今上郡洛交銀川新秦朔方
 等郡地。夏后氏未及商周之際。或從侯伯。祖伐
 無君。天子爵之。以為蕃服。春秋時。陸渾蠻氏戎
 有劫天子爵之。以為蕃服。春秋時。陸渾蠻氏戎
 及其衰。亡餘種。皆反。舊為西豪。始皇兵務東向。
 故得繁息。秦平天下。蒙恬西逐諸羗。出塞。漢初
 尚微弱。景帝時。研種。求徙於狄道。安故。今金城

卷一百一十九

四

陸渾

武帝又西畧遂渡河湟初開河西置四郡今武威
掖酒泉熾其後先零種圍袍罕今安鄉郡縣零
煌郡等地漢兵擊平之始置護羌校尉至宣帝代又寇金
城今金城會寧西趙充國立屯田且討且招降
者三萬餘人置金城屬國以處之自後賓服後
漢光武建武中初寇金城馬援討破降之徙七
千口於三輔今京兆馮翊扶和帝後又反叛豪
滇零稱天子南入益州今漢川漢東犯魏趙今
魏郡等寇及雍城今河內郡十餘年然後破散
順帝永和中又叛漢將馬賢戰歿後段熲窮討

及靈帝末方始平定自光武以後匈奴少事
西羌屢梗焉魏晉二代時亂關隴不至大傷害
永嘉以後吐谷渾興焉本遼東鮮卑晉時數百
戶西附于陰山屬晉亂遂吞并諸羗而有其地
至其孫葉延遂為強國後魏末其主夸呂自號
可汗建官多效中國洎隋煬帝遣觀王雄大破
之其主伏允遠遯收其地列置郡縣鎮戍後轉
衰弱大唐初吐蕃始興焉其帥後魏末自臨松
郡承其故主有贊府之號後魏臨松郡今高宗
時遂滅吐谷渾盡有其地將軍薛仁貴等大敗

通鑑

卷之三十九

五

陸

又一方

果一作累

一無種字

於大非川儀鳳中工部尚書劉審禮又率兵十
八萬敗於青海調露中中書令李敬玄又大
敗於大非川武太后如意初王孝傑又大破之
始復龜茲等鎮萬歲通天初又寇梁州都督許
欽明戰歿因贊府殺其名將諸欽陵之後果破
敗遂劣於曩時矣

羌無弋

羌無弋爰劍者秦厲公時為秦所拘執以為奴
隸爰劍不知何戎之別種也後得亡歸而秦又
追之藏於巖穴中得免與剗女遇合於野女

一無同字

弋

一無主字

其狀披髮覆面羌人因以為俗遂俱亡入
間三河間即黃河折支河湟中河諸羌共畏事
今金城隴西安鄉郡之西南之推以為豪以射獵為事爰劍教之田畜種人
依之者益眾羌人謂奴為無弋以爰劍嘗為奴
隸故因名之其後世世為豪主至爰劍曾孫忍
時秦獻公初立欲復穆公之迹穆公霸有西忍
季父印畏秦之威將其眾種人附落而南山折
支河曲西數千里與諸羌絕遠不復交通其後
子孫分別各自為種任隨所之或為釐牛種越
嵩羌是也或為白馬種廣漢戎是也今梓潼遂

余元朱

其下有後字

徒

即全一作在今

陽郡或為參狼種武都羗是也今武都郡忍及弟舞
 獨留湟中忍生九子為九種舞生十七子為十
 七種羗之興盛從此起矣及忍子研立研豪健
 故羗中號其為研種秦始皇時兵務東向故種
 人得以繁息秦既兼天下使蒙恬將兵畧地西
 逐諸戎北却眾狄築長城以界之至漢景帝時
 研種留何率種人求守隴西塞今天水隴西等郡地於是
 從留何等於狄道安故至臨洮臨洮等郡道羗道並今隴西
金城安鄉及武帝征伐四夷又西逐諸羗乃渡
 河湟築令居塞即金城西北初開河西列置四郡

道玉門隔絕羗胡於是鄯塞葷燧出長城外
 數千里時先零羗與封養牢姐種解仇結盟與
 匈奴通合兵十餘萬共攻令居安故今金城遂
 圍袍罕漢遣將軍李息將兵討平之始置護羗
 校尉統領焉羗乃去湟中依西海鹽地之左右
今酒泉郡之北漢遂因山為塞河西地空稍徙
千餘里鹽池人以實之至宣帝時諸羗又相解仇寇攻金城
 帝遣後將軍趙克國將兵討之克國欲以屯田
 於臨羗東至浩亶浩亶縣即今金城郡廣武縣
西平郡界務威信招降罕开及劫掠者解散虜謀乃

擊之開音時已發諸郡兵六萬人酒泉太守辛武賢奏言請即擊之天子下書令克國轉議往返者三四遂兩從其志武賢出擊羗降破數千人詔罷兵獨克國留屯田明年五月克國奏言羗可本五萬人軍凡斬首七千六百級降者三萬一千二百人弱皇饑死者五六千人定計遺脫與前輩黃羗並是羗種俱下者不過四千人初置金城屬國以處降羗從爰劍種五世至研研最豪健自後以研為種號十三世至燒當復豪健其子孫更以燒當為種號自元帝以後數十年

西夷賓服邊塞無事至王莽末豪滇良肉侵孫及後漢初遂寇金城隴西司徒掾斑處上言今涼州部郡時涼州部除三輔外今安定平原郡之西天水隴西諸郡悉屬焉皆有降羗披髮左衽而與漢人雜處習俗既異言語不通數為小吏黠人所見侵奪窮患無聊故致反叛夫蠻夷寇亂皆為此也請依舊制益州部今漢州巴蜀川置蠻夷騎都尉幽州部今置陽上谷安邊及漁陽北平即當時幽州置領烏桓校尉涼州部置護羌校尉皆持節領護理其怨結歲時循行間所疾苦又數遣使驛通道動靜使塞外羗夷為

令当作今

今

降下二有仿字

邊防

和晉書卷之百九

八

吏耳目。州部因此可得儆備。令宜復如舊。以明
 威防。光武從之。即以牛邯為護羌校尉。及邯卒
 而職省。建武十一年。先零種寇臨洮。今和政隴
 西。今隴西及金城
 郡南境地是太守馬援破降之。後徙置天
 水。今郡
 地隴西扶風三郡。今扶風汧陽新
 平等郡地皆是自燒當
 至滇良。世居河北大允谷。後徙大小榆中。榆中
 在今
 金城西平
 等郡之間由是始強。至其子滇吾。永平初。漢遣
 中郎將竇固等擊破降之。徙七千口置三輔。而
 滇吾諸弟迷吾等。數為寇盜。章帝時。馬防等討
 破之於臨洮。索西。迷吾等悉降。乃築索西城。和今

界是自後或降或叛。少有寧歲。和帝時。迷吾
 迷唐復將兵向塞。金城守侯霸及諸郡率師破
 之。羌眾折傷。種人瓦解。迷唐遂孤弱。不滿千人。
 遠踰賜支河首。即折
 支河依發羌居。明年安定降羌
 燒何種。脇諸種數百人反叛。安定郡今安定平
 源會寧郡東境是
 郡兵擊滅之。時西海及大小榆左右無復羌寇。
 隴康相曹鳳上言。隴康縣名。在今汧
 陽郡界。隴音
 音西戎為害
 前世所患。臣且以近事言之。自建武以來。其犯
 法者。常從燒當種起。所以然者。以其居尖小榆。
 土地肥美。又近塞內。諸種易以為非。難以攻伐。

邊防

和晉書卷之百九

八

林

穀下有富字

殖

南得種種存別以廣其衆北阻大河因以為固
 又有西海魚鹽之利緣山濱水以廣田畜故能
 强大常雄諸種恃其權勇招誘諸胡今者衰困
 黨援壞阻親屬離叛餘勝兵者不過數百流亡
 逃竄遠依發羌自愚以為宜及此時建復西海
 郡縣漢武帝逐諸羌置西海郡今在規固二榆
 郡縣酒泉郡北千二百里欲復立之
 廣設屯田隔塞羌胡交關之路遏絕狡窺欲
 之源又植穀邊省委榆之役國家可以無一方
 之憂於是拜鳳為金城西部都尉將徙徙龍
 者龍者即龍支今西平郡縣後金城長史上官鴻開置歸義

部水部水

田

積下有慈字

屯田二十七部候霸復上置東西邽屯
 五部部水名分流左增逢留二部帝皆從之列
 屯夾河合四十部其功垂立至永初中諸羌叛
 乃罷迷唐失衆病死有一子來降戶不滿數十
 滇吾吾魚目孫麻奴初隨父東號降居安定時諸降
 羌布在縣郡皆為吏人豪右所徭役積怨安帝
 永初九年麻奴兄弟因此遂與種人俱西出塞
 先零別種歸南濠滇零與種羌大為寇掠南奴
 感反
 征西校尉任尚率諸郡兵與滇零等戰於平壤
 地在今尚軍大敗於是滇零自稱天子於北地

北地郡

葉伯述

即下無今字

招集武都參狼上郡西河今西河銀諸種衆遂
大盛東犯趙魏南入益州遂寇鈔三輔斷隴道
湟中諸縣粟石萬錢百姓死亡不可勝數諸郡
屯兵救之三輔三輔即今京兆扶風馮翊等郡地
衆羌乘勝漢兵數挫當前勒姐種攻沒破羌縣
金西平郡鍾羌又沒臨洮今和政縣界軍營久出
無功有廢農桑乃詔任尚將吏兵還屯長安置
京兆虎牙都尉於長安扶風都尉於雍今扶風郡縣
如西京三輔都尉故事至四年大將軍鄧騭議
欲棄涼州虞詡曰不可今羌所以不敢入據三

輔為腹心之害者以梁州在後故也其土人所
以摧鋒無反顧之心者為臣屬於漢故也若克
其境域徙其人衆安土重遷必生異志如使雄
豪相聚席卷而東雖虎賁為卒白起太公為將
亦恐不足禦當今之計者宜令四府九卿各辟
彼州數人其牧守令長子弟皆除為冗官外以
勸勵答其功勤內以拘致防其邪計誠能如此
則可無患於是四府皆從詡議時漢中太守鄭
勤戰死羌勢轉盛遂徙金城郡居襄武漢金城郡理元
居縣地今郡廣武縣漢襄武縣屬隴西縣地即今隴西郡縣是也羌衆入寇河

居

居縣地今郡廣武縣漢襄武縣屬

二

隴西

東至河內。百姓相驚，多南奔渡河。使北軍中候
 朱寵將五營士屯孟津。詔魏郡等郡地趙國趙
 郡常山郡今地中山郡今博陵郡地繕作塢堠六百一十
 六所。羌既轉盛，而二千石令長多內郡人，並無
 守戰意，皆爭上徙郡縣，以避寇難。朝廷從之，遂
 移隴西徙襄武。漢隴西郡理狄道縣安定徙美
 陽。漢安定郡理臨涇縣地在今京兆府三原縣也。漢美上
 郡徙衙。漢上郡理庸施縣地今在上郡龍泉百
 姓戀土不樂去舊，遂乃割其禾稼，發撤屋室，移
 營壁破積聚，時連旱蝗饑荒，而驅蹙劫掠流離

分散，隨道死亡，咸棄老弱，或為人僕妾，喪其犬
 羊，潰零死。子零昌立。元初元年，遣兵屯河內。郡今
 地通谷衝要三十五所，皆作塢壁，設鳴鼓，零昌
 進兵寇雍城。郡今河內遣任尚為中郎將，將羽林
 緹綺五營子弟屯三輔。尚臨行，懷令虞詡說尚
 曰。懷縣今河內使君頻奉國命，討逐寇賊，三州
 屯兵二十餘萬人，棄農桑，疲苦從役，而未有功
 効，勞費日滋。若此出不尅，誠為使君危之。尚曰：
 憂惶久矣，詡曰：兵法弱不攻強，走不逐飛，自然
 之勢也。今虜皆馬騎，日行數百，來如風雨，去如

絕弦以走步追之勢不相及所以曠日而無功也為使君計者莫若罷諸郡兵令出錢數千二十人共市一馬如此可捨甲冑馳輕兵以萬騎之眾逐數千人之虜首尾掩截其道自窮便入利事大功立矣尚即上言用其計乃遣輕騎抄擊斬首數百級明年秋漢又築馮翊北界今馮翊北界以洛交以南候塢五百所自後頗破之諸羌瓦解三輔益州漢中等郡也無復寇警自羌叛十餘年間兵連師老不暫寧息軍旅之費轉運委輸用二百四十餘億府帑空竭帑地延及內郡邊人

死者不可勝數并涼二州遂至空耗并州郡

守恐衍
安下一無之字
接按

五原西河太守原雲中定襄鴈門代郡上黨等郡今上郡中郡延安定咸寧洛交銀川新秦朔方九原榆林西河昌化太原樓煩鴈門定襄安邊馬邑云中上黨樂平等郡地也接秦地除三輔屬司隸外自後隴西上郡武威張掖仍寇盜

不息上郡中郡延安咸寧順帝永建四年尚書僕射虞詡上疏曰臣聞禹貢雍州之域

厥田惟上上且沃野千里穀稼殷積又有龜茲

鹽池以為人利漢上郡龜茲縣有鹽池水草豐

美土宜產牧北阻山河乘阨據險因渠以溉水

春河漕水春即水維也用功省少而軍糧饒足故

春
確

春河漕水春即水維也用功省少而軍糧饒足故

孝武皇帝及光武築朔方朔方即今郡開西河置上郡皆為此也而元元被災衆羌內潰郡縣兵荒二十餘年夫棄沃壤之饒捐自然之財不可謂利離河山之阻守無險之處難以爲固今三郡未復前因羌寇徙隴西安定北地三郡者當爲隴西理襄武捍蔽京師尚遠不要更移園陵單外園陵謂長安諸餘三郡須復本處是園陵單外園陵也單外謂無守而公卿容頭過身但計所費不圖其安宜開聖聽考行所長書奏帝乃復三郡使謁者郭璜督徙徙者各歸舊縣繕城郭置候驛既而激河後渠爲屯田省內郡費歲一億計遂令安定其

地上郡及隴西金城北地今彭原安化靈武五原寧朔等郡地常儲

穀粟令周數年至陽嘉元年以湟中地廣更增

至屯田五部并前爲十部二年復置隴西南部

都尉如舊制漢南部都尉在隴西郡臨川縣今和政縣永和以來

機爲并州刺史劉乘爲涼州刺史大將軍梁商

謂機等曰戎狄荒服言其荒忽無常而統領之

道亦無常法臨事制宜畧任其俗今二君素性

疾惡欲分明白黑孔子曰人而不仁疾之已甚

亂也况戎狄乎其務安羌胡防其大故忍其小

過機等天性虐刻遂不能從到州之日多所擾

發五年夏且凍傳難種羌等遂反叛金城與西
塞及湟中今西平郡西地雜種羌胡大寇三輔於是拜
馬賢為征西將軍將左右羽林五校士及諸州
郡眾十萬人討之又於扶風漢陽隴道扶風今
汧陽扶
風新平等郡地也漢陽
隴道並今天水郡是也作塢壁三百所置屯田
以保聚百姓賢軍大敗賢及二子皆戰歿於是
東西羌遂大會鞏唐種三千餘騎寇隴西北地
又燒固陵掠關中殺長史武威太守趙冲進擊
之冲雖戰歿而前後多所斬獲羌由是衰耗自
永和羌叛十餘年間費用八十餘億諸將多斷

盜軍廩私自潤入

年價

皆以珍寶貨賂左右上

下放縱不恤軍士士卒不得其死者白骨相塗
於野和帝延熹二年燒當八種寇隴右以段熲
為校尉將兵及湟中義從羌二千人擊破之追
南渡河募先登懸索相引刀折矢盡且鬪且行
晝夜相攻割肉食雪三十餘日遂至河首積石
山山在今西安
平鄉郡界出塞二千餘里前後斬首虜並
受降各萬餘人會段熲坐事徵還羌遂陸梁覆
沒營塢寇患轉盛中郎將皇甫規張奐雖累破
之而寇害不已復遣段熲擊之自春及秋無日

不戰虜遂饑困敗散凡破西羌斬首二萬三千級復生口數萬西羌於是弭定東羌先零等自覆沒馬賢後既降又叛帝以問穎對曰狼子野心難以恩納唯當白刃加頸耳計其所餘三萬餘落居近塞內久亂并涼累侵三輔西河上郡已各內徙安定北地復至單危自雲中五西至漢陽二千餘里今榆林郡即漢雲中五原郡也漢陽今天水郡匈奴種羌並擅其地是為癰疽伏疹留滯脅下如不加誅轉就滋大令若以騎五千步兵萬人車三千兩三冬兩夏足以破定無慮用費為錢五十四億如此可令郡羌破盡匈奴長服內徙郡縣得反本土伏計永初中諸羌反叛十有四年用二百四十億永和之末復經七年用八十餘億費耗若此猶不誅盡餘孽復起于茲作害今不暫疲人則永寧無期帝許之靈帝建寧初穎與先零諸種戰斬首八千餘級穎復追之且破且追士皆重研既到涇陽今平原郡平原縣地餘寇四千落悉散入漢陽山谷間時張奐上言東羌雖破餘種難盡穎性果慮輕負敗難常宜且以恩降可無後悔詔書下穎穎復上言曰臣本知東羌雖衆

西當作原或脫原字
五下一有原字

今恐當作今

研

王仲郎

降下一無臣字下用作臣

動恐當作勤

應無一倒

梗

三歲一作非時

一無大字無又字

而軟弱易制。所以比陳愚思。為永寧之筭。而張
 真說虜強難破。宜用招降。臣云。用兵連年。累見
 折衄。又言羌一氣所生。不可誅盡。山谷廣大。不
 可空靜。臣伏念周秦之際。戎狄為害。中興以來。
 羌寇最盛。誅之不盡。雖降復叛。今先零雜種。累
 以反覆。攻沒縣邑。剽掠人物。上天震怒。假手行
 誅。臣自動兵。眾和師克。自橋門以西。落川以東。
 行。應無折衄。案真駐軍二年。不能平寇。誕辭妄
 說。僭而無徵。何以言之。昔先零作寇。趙充國從
 居內地。當前亂邊。馬援遷之三輔。始服終叛。卒
 今為梗。故遠識之士。以為深憂。今傍郡戶口單
 少。數為羌所瘡毒。而欲令降徒與之雜居。是猶
 種積棘於良田。養虺蛇於室內也。故臣奉大漢
 之威。建長久之策。欲絕其本根。不能使植。計三
 歲之費用。五十四億。今適周年。所耗未半。而餘
 寇殘燼。將向殄滅。臣每奉詔書。軍不內御。願卒
 斯言。一以任臣。臨時量宜。不失權便。二年。穎遂
 進營逼諸羌。大敗之于瓦亭山。今在平原郡上
蕭門縣是也
 羌眾大潰。遂東奔。又復聚射虎谷。仍分守諸谷。

今金城會寧平涼
 等郡之地是也
 非為深險絕域之地
 車騎安
 張七郎

張七郎

之上下門。又先令千餘人於西縣。今天水郡上邽縣是也結木為柵，廣二十步，長四十里，遮之。然後兵擊之。窮山深谷之中，處處破之，斬其渠帥以下萬九千級，獲畜產諸物，不可勝數。於是東羌悉平。凡八百十戰，斬二萬八千六百餘級，牛馬羊驢駱駝四十二萬七千五百餘頭，費用四十四億。將士死者四百餘人。自爰劍後，子孫支分，凡百五十種。其九種在賜支。賜支即折支也河首以西及在蜀漢徼北，參狼在武都，勝兵數千人。其五十二種衰少，不能自立，分散為附落，或絕滅無後，或

引而遠去。其八十九種唯鐘最强，勝兵十餘萬。其餘大者萬餘人，小者數千人。更相鈔盜，盛衰無常。大凡順帝時，勝兵可二十萬人。發羌唐旄等絕遠，未常往來。犍牛白馬羌在蜀漢，其種別名號不可知也。

湟中月氏胡

湟中月氏胡，其先大月氏之別也。氏音支在張掖酒泉地，為匈奴冒頓冒音墨所殺，餘種分散。西踰葱嶺，其羸弱者南入山阻，依諸羌居止。漢將霍去病破匈奴，取西河地，開湟中。今西平郡地於是月

尾一作鼠

注之一作以

戎

氏來降與漢人錯居雖依附縣官而首施兩端
首施猶言首尾也其從漢兵戰鬪隨勢強弱被服飲食
 言語畧與羌同亦以父名母姓為種其大種有
 七勝兵合九千餘人分在湟中及今居又數百
 戶在張掖號曰義從胡後漢靈帝中平初與北
 宮伯玉等反殺護羌校尉泠徵金城太守陳懿
 遂寇亂隴右焉今天水郡之西北地范曄論曰羌戎之患
 三代尚矣漢世方之匈奴頗為衰寡而中興以
 後邊難漸大朝規失緩御之和即帥騫然諾之
 信故永初中羣種鋒起遂解仇媿結盟詛陸

輔建號稱制東侵趙魏之郊南入漢蜀之
 塞湟中斷隴道燒陵園剽城市傷敗踵繫羽書
 日聞并涼之士持衝殘弊自西戎作逆未有陵
 斥上國若斯其熾也和熹以女君親政威不
 外接朝議憚兵力之損情存苟安或以邊州難
 援宜見捐棄或懼疽食浸淫莫知所恨謀夫迴
 違猛士疑慮遂徙西河四郡之人雜寓關右之
 縣發屋伐樹塞其戀土之心燔破齒積以防顧
 還之思於是諸將鄧騭任尚馮異皇甫規張奐
 之徒爭設雄規更奉征討馳騁東西奔救首尾

謬一作迂

搖動數州之境。日耗千金之資。至於假人增賦。借奉侯王。引金錢縑綵之珍。徵糧粟鹽鐵之積。所以賂遺購賞。轉輸勞來之費。前後數十巨萬。或梟克酋。捷摧破附落。降俘載路。牛羊滿山。軍書未奏。其利害而離叛之狀。已言矣。故得不酬失。功不半勞。官人屈竭。烈士憤喪。段穎受事。專掌軍任。蒙投冰雪。經履千折之道。始殄西種。卒定東寇。若乃陷擊之所殲傷。追走之所崩籍。其能穿窟章石。自脫於鋒鏃者。百不一二。而張奐盛稱戎狄。一氣所生。不宜誅盡。流血汗野。傷和致

殊。是伺言之謬乎。羌雖外患。實深內疾。若攻之不根。是養痾於心腹也。根謂盡其根本惜哉。寇敵累定矣。而漢祚亦衰焉。嗚呼。昔先王彊理九土。判別畿荒。知夷貊殊性。難以道御。故斥遠諸華。薄其貢職。唯與辭要而已。若二漢禦戎之方。失其本矣。何則。先零侵境。充國遷之內地。宣帝時。後將軍趙充國擊先零。還於金城郡。置屬國。以處降羌焉。當煎作寇。馬援徙之三輔。貪其暫安之勢。信其馴服之情。計日用之權宜。忽經世之遠畧。夫豈識微者之為乎。

氏

邊方

上道通其卷三

三

周

駝

今下一百天字

冒上有抵字貨下有死字

氏者西戎之別種在并隴東北今通化郡地之東北廣漢之西今梓潼遂寧德陽郡地之北也君長數十而白馬最大漢武帝元鼎六年開分廣漢西部合為武都郡今谷郡武都郡地排其種人分竄山谷或在上祿今同或在汧隴左右在今水汧陽郡地其種非一或號青氏或號白氏或稱蚡氏此蓋中國人即其服色而名之也土地險阻有麻田出漆蜜銅鐵椒蠟氏人勇贇冒貪貨利居於河池一名仇池方百頃四面斗絕仇池山在今同谷郡上祿縣數為邊寇郡縣討之則依固自守其俗語不與中國及羌胡同各自有

種如中國之姓其衣服尚青俗能織布善田種畜羊豕牛馬驢騾婚姻備六禮知書疏多知中國語由與中國錯居故也元封三年氏人反遣兵討破之分徙酒泉郡昭帝元鳳初氏人復叛遣大鴻臚田廣明將三輔大常徒討破之至後漢初氏人悉附隴蜀及隗囂滅其酋豪乃背公孫述降漢隴西太守馬援上復其王侯君長賜以印綬後囂族人隗茂反攻殺武都太守氏人豪齊鐘留為種類所敬信威服諸豪與郡丞孔奮擊茂破斬之其後亦時寇盜郡縣不足為大

漢書

卷一百一十一

三

黃元

患魏武之初。諸羌戎或叛或伏。乃令夏侯妙才討之。因徙武都之種於秦川。以禦蜀。晉時關隴屢為氐羌所擾。孟觀西討。因擒氐帥齊萬年。華陰令江統深唯四夷亂華。宜杜其萌。乃作徙戎論。曰：春秋之義。內諸夏而外夷狄。以其言語不通。贄幣不同。法俗詭異。種類乖殊。或居絕域之外。山河之表。崎嶇險阻之地。與中國壤斷土隔。不相侵涉。賦役不及。正朔不加。故曰：天子有道。守在四夷。其氣貪婪。凶悍不仁。四夷之中。戎狄為甚。弱則畏服。強則侵叛。雖聖賢之代。大德之

君。威未能以道化率導。而以恩德柔懷也。當強也。以殷之高宗。武丁而懋於鬼方。有周文而惠昆夷。猗攸。漢祖困於白登。孝文軍於霸上。及其弱也。周公來九譯之貢。中宗宣宗納單于之朝。以元成之微。而猶四夷賓服。此其已然之效也。故匈奴求守邊塞。而侯應陳其不可。單于屈膝未央。蕭望之議以不臣。是以有道之君。不牧夷狄也。唯以待之有備。禦之有常。雖稽顙執贄。而邊城不弛。固守為寇賊強暴。而兵甲不加。遠征期令。四境獲安。疆長不侵而已。及至周室失

周上有宗字

稿下一本有莫干反注

殷

統諸侯專征以大兼小轉相殘滅封疆不固而利害異心戎狄乘間得入中國或招携安撫以爲已用故申繒之禍顛覆周襄公要秦遠興羌戎當春秋時義渠大荔居秦晉之域陸渾陰戎處伊洛之間僂瞞之屬害及齊宋陵虐邢衛齊桓攘之存亡繼絕北伐山戎以間燕路故仲尼稱管仲之力嘉左衽之功逮至春秋之末戰國方盛楚吞蠻氏晉翦陸渾趙開榆中之地秦滅義渠之種始皇之并天下也南兼百越北走匈奴五嶺長城戍卒億計雖師役煩費

寇賊橫暴然一切之功戎虜奔却當時中國去復四夷也漢興都長安關中之郡號曰三輔禹貢雍州宗周鄠鎬之舊也及建武中以馮援領隴西太守討叛羌徒其餘種於關中居馮翊河東空地而與華人雜處數代之後族類蕃息既恃其肥強苦漢人侵之永初之元騎都尉王弘使西域調發羌氏以爲行衛於是郡羌奔駭互相扇動二州之戎一時俱發覆沒將守屠城破邑鄧騭之徙棄甲委兵輿屍喪師前後相繼諸戎遂熾至於南入蜀漢東掠趙魏唐突軹關今

卷之九 地理志 五

內下注有今郡地三字

一無地字

援一作拔

利下有也字

當

彼一作使

元縣凌及河內乃建北軍中候朱寵將五營士卒
 於孟津今河陽縣地距羌十年之中夷夏俱弊任尚
 馬賢僅乃尅之此所以為害尤甚累年不定者
 雖由禦之者無方將非其才亦豈不以寇發心
 腹害起肘腋疹篤難療瘡大遲愈之故哉自此
 之後餘燼小有際會輒復侵叛馬賢忸怩終
 覆敗段穎臨衝自徂東雍州之戎常為國患中
 代之寇唯此為大漢末之亂關中幾滅魏興之
 初與蜀分隔懼惕之戎一彼一此魏武令夏侯
 妙才討叛氐阿貴千萬等後因援棄漢中遂生

五都之種於秦川欲以弱寇強國扞禦蜀虜此
 蓋權宜之計一時之勢非所以為萬代之利今
 者常之已受其弊矣夫關中土沃物豐厥土上
 上加以涇渭之流漑其鳥鹵鄭國白渠灌浸相
 通黍稷之饒畝號一鍾帝王之都每以為居未
 聞戎狄宜在此土也非我族類其心必異戎狄
 志態不與華同而因其衰弊遷之畿服士庶翫
 習侮其輕弱彼其怨恨之氣毒於骨髓至於蕃
 育衆盛則生其奸心以貪悍之性挾憤怒之情
 候隙乘便輒為橫逆而居封域之內無障塞之

隔掩不備之人收散野之積故能為禍滋漫暴

害不測此必然之勢已驗之事也當今之宜宜

及兵威方盛衆未能定徙馮翊北地今彭原郡也新

平安定界內諸羌着先零罕开折支之地徙扶

風始平今金城武功縣地京兆之氏出還隴右着陰平

武都今郡地之界廩其道路之糧令足自致各附

本種反其舊土使屬國撫夷就安集之戎晉不

雜並得其所上合往古即序之義下為盛代永

久之規縱有猾夏之心風塵之警則遠絕中國

隔關山河雖為寇暴所害不大是以京國子

能必數萬之衆制郡羌之命有征無戰全軍得

竟雖有謀謨深計廣大遠圖豈不以華夷異處

戎夏區別要塞易守之固得其成功者哉難者

曰方今關中之禍暴兵二載征戍之勞老師十

萬水旱之害荐饑累荒疫癘之災札瘥天昏凶

逆既戮悔惡初附且欵且畏咸懷危懼百姓愁

苦異人同慮異寧息之有期若枯旱之思雨誠

宜鎮之以安悅而子方欲作役起徒興功造事

使疲瘁之衆徙自猜之寇以無穀之人遷乏食

之虜恐勢盡力屈緒業不卒羌戎離散心不可

一本謂下注有今郡地三字平
下有今郡地定下有今郡二
字凡下有今郡地三字
下有今京兆府地五字陰平
下有今郡地三字

大一作廣

一前害未及弭而後變復橫出矣。答曰：羌戎猾夏，擅相署號，攻城野戰，傷害牧守，連兵聚衆，載離寒暑矣。而令異類瓦解，同種土崩，老幼擊虜，丁壯降散，禽離獸遊，不能相一子。以此等為尚，挾余資，悔惡反善，懷我德惠而來柔附乎。將勢窮道盡，智力俱困，懼我兵誅，以至於此乎。曰：無有餘力，勢窮道盡，故也。然則我制其長短之命，而令其進退由已矣。夫樂業者不易事，安居者無遷意，方其自疑危懼，畏怖促遽，故可制以兵威，使之左右無違也。迨其死亡流散，離邊未鳩。

與關中之人戶皆為讐，故可遐遷遠處，令其心不懷土也。夫聖賢之謀事也，為之於未有理之於未亂，道不著而平，德不明而成。今子遭弊事之終，而不圖更制之始，愛易轍之勤，得覆車之軌，何哉。且關中之人百萬餘口，率其少多，戎狄居半，處之遷之，必須口實。若有窮乏，糝粒不繼者，故當仰關中之穀，以全其生生之計，必無擠於溝壑，而不為侵掠之害。今我遷之，傳食而至，附其種族，自使相贍，而秦地之人得其半穀，此為濟行者以廩糧，遺居者以積倉，寬關中之逼。

邊陲

社國通典卷百九

三

去賊盜之源除朝夕之損建終年之益若憚慙
 舉之小勞而忘求逸之弘策惜日月之煩費而
 遺累代之寇敵非所謂能開物成務創業垂統
 崇本拓跡謀及子孫者也并州之胡本實匈奴
 桀惡之寇也漢宣之代凍餒殘破國內五裂後
 合為一呼韓邪遂衰弱孤危不能自存依阻塞
 下委質柔服建武中南單于復求降附遂令入
 塞居於漠南數代之後亦輒叛戾故何熙梁觀
 戎車屢征中平中靈帝時以黃巾賊起發調其
 兵部眾不從而殺羌渠南單于也由是以扶羅羌渠子也

以下有於字

取助於漢以討其賊仍值代喪亂遂乘機而作
 凶掠趙魏寇至河南建安中又使右賢王去
 卑誘質呼厥泉於扶羅之弟聽其部落散居六部原
 西河平陽上黨樂平今郡地新興今雲中定襄郡地也咸熙之際以一部
 太極分為三帥秦始之初又增為四於是劉猛
 內叛猛即元海之叔父右賢王連結外虜近者郝散之變發
 於穀遠惠帝元康中匈奴郝散反攻城邑謀殺長吏於穀遠即今金城郡大康縣也
 今五郡之眾戶至數萬人口之盛過於西戎然
 其天性驍勇弓馬便利倍於氐羌若有不虞風
 塵之慮則并州之城可為寒心矣榮陽句驪本

樂重

居遼東塞外。正始中，幽州刺史母丘陁伐其叛者，徙其餘種部落百數。子孫孳息，今已千計。數代之後，必至殷熾。今百姓失職，猶或亡叛，犬馬肥充，則有噬齧。况於夷狄，能不為變？夫為邦者，患不在貧而在不均，患不在寡而在不安。以四海之廣，士庶之富，豈須夷虜在內，然後取足哉？此等皆可申諭發遣，還其本域，慰彼羈旅懷土之思，釋我華夏織芥之憂。惠彼中國，以綏四方也。未及十年，而夷狄亂華，時人服其深識。於是戎狄迭據中原，其為戰國者百三十六載，而割

元海為之禍首。初，後漢建安中，氐酋楊騰為部落大帥，勝子駒勇健多計畧，始據仇池。於上平地，立宮室，果園倉庫。其地東接秦嶺，西接宕昌，八百里，南去漢中四百里，北至岐州三百里。戶本有十萬，漸漸分減焉。駒後有名千萬者。魏拜為百頃氐主。千萬孫飛龍漸強盛。晉武帝時，平西將軍還居畧陽。楊氏與胡氏同出畧陽畧無陽地，今天水郡隴城縣。無子，養外甥令狐茂，搜為子。晉惠帝元康初，避齊萬年之亂，率部落還保百頃，自號蓋王。關中人士奔流者多依之。自茂搜至姪曾孫纂，皆降附。

主一作王

余清

於晉受官爵符堅遣將楊安符雅等討纂克之徙其人於關中空百頃之地初茂搜孫宋奴二子佛奴佛狗奔符堅以女妻佛奴子定以為尚書領軍將軍及堅敗於淮南關中擾亂定盡力奉堅堅死將家奔隴右徙理歷城歷城今在同谷郡西十里仇池九置倉儲於百頃招合夷夏人得千餘家進平天水畧陽郡天水畧陽並今天水郡地後與乞佛乾歸戰定軍敗見殺佛狗子盛先襲位分諸四山氏羌為二十部護軍各為鎮戍不置郡縣至子難當時宋梁州刺史理漢甄法護刑政不理難當

漢中之地宋文帝元嘉十年難當自為大秦王號年曰

建義置百官後傾國南寇規有蜀土不克乃還

宋文帝遣龍驤將軍裴方明等討難當方明等至漢中長驅而進直到武興攻下辦今同谷郡

後魏遣將皮歡喜破殺之弟文弘自為武都王

國為武興鎮今順政郡後改鎮為東益州後唐末為

刺史氏人反攻圍州城永歿氏遂削平城堞因此

復為氐地。西魏文帝大統四年，南岐州氐守安壽反，攻陷武都，自號大皇，遣侯莫陳順等討破之。周文帝於武興，又置東益州，以紹先子辟邪為刺史。辟邪據州反，吐羅協與趙景討平之。

葱訛羌

燉煌西，西域之南山中，從姑羌姑而西至葱嶺數千里，有月氏餘種葱訛訛音紫羌、白馬黃牛羌，各有酋豪，並與諸國接，不知其道里廣狹。傳聞黃牛羌種類孕身六月生，南與白馬羌隣，並魏時聞焉。

杜氏通典卷第一百八十九

吐

杜氏通典卷第一百九十一

二

杜氏通典卷第一百九十一

唐京兆杜佑君卿纂明御史後學李元陽仁甫校刊

邊防六 西戎二

吐谷渾 乙弗敵 宕昌 鄧至

党項 白蘭 吐蕃 大羊同

悉立 章求拔 泥婆羅

吐谷渾

吐谷渾本遼東鮮卑也西晉時酋帥徒何涉歸
有二子長曰吐谷渾少曰若洛廐胡罪代統部
落別為慕容氏渾廐長廐正嫡父在時分七百

周南

戶與渾渾與廐二部俱牧馬馬鬪相傷廐徑遣使謂渾曰先公處分與兄弟異部牧馬何不相遠而令馬鬪渾曰馬是畜生食草飲水春氣發動所以致鬪鬪在於馬而怒於人耶乖別易甚今當去汝於萬里之外矣於是擁馬西行乃西附陰山今朔方之北屬永嘉之亂始度隴西止於枹罕而後子孫據有甘松之南洮水之西南極於白蘭甘松山在今交州郡境內臨洮郡之南及合州郡之地在益州西北其地四時常有冰雪唯六七月雨雹甚盛若晴則風飄沙礫有麥無谷其青海周廻千餘里海

中有小山每冬水合後以良牝馬置此山至冬冬牧之馬有孕所生得駒號曰龍種吐谷渾嘗得波斯草馬放入海因生驄駒能行千里故時稱青海驄焉至其孫葉延以禮云公孫之子得以王父字為氏吾祖始自昌黎先宅於此今以吐谷渾為氏尊祖之義也自吐谷渾至葉延曾孫視羆皆有才畧知古今司馬博士皆用儒生至其子阿豺自稱驃騎將軍沙州刺史阿豺兼并羌氏號為強國遣使詣宋朝獻阿豺死弟慕瓚立瓚音遣軍擊乞伏苩敗之苩音東奔隴

右慕瓚據有其地其時赫連定據長安為後魏主所攻敗擁戶口十餘萬西次罕開慕瓚拒擊大破之生擒定送於魏後弟慕延立魏太武帝遣軍擊延大破之慕延率部落西奔白蘭攻破于闐國南依剽賓七年乃還舊土慕延死阿豺兄樹落于子拾寅立始邑於伏羅川至玄孫夸呂立自號為可汗理伏侯城在青海西十五里有地方數千里其西北諸雜種謂之阿貲虜初其南界隴涸城去成都千餘里大戎有四一在清水一在赤水一在澆河一在吐屈真川

子弟所理其主理慕賀川西有黃沙南北百二十里東西七十里不生草木雖有城郭不居而隨逐水草官有王公僕射尚書及郎中之號其主推直追反髻以皂為帽其妻衣織成裙披錦袍辦髻於後首載金花丈夫衣服畧同於華夏多以慕羅為冠亦以繒為帽婦人皆貫珠束髮以多為貴兵器有弓刀甲稍國無常賦貨財稅富室商人以充用焉父兄死妻後母及嫂等與北狄倍同死者亦皆埋殯其服制葬訖則除之性貪婪忍於殺害後周明帝武成初夸呂寇涼州

貨財一作貨財

詔賀蘭祥率兵討破之。又攻拔其洮陽泥和二城。置洮州。洮即今臨洮郡地而還。武帝天和初，其龍洞王莫昌率衆降，以其地爲扶州。今同昌郡地二年，復遣皇太子征之。軍度青海，至伏侯城。夸呂遁走，虜其餘衆而還。○隋開皇中，夸呂侵弘州。在今安化郡馬嶺縣界遣上柱國元諧擊之，賊悉發國中兵，自曼頭至於樹敦，甲騎不絕。諧頻擊破之。夸呂率其親兵遠遁，其名王十三人，各率部落而降。夸呂在位且百年，死以後，還以慕容爲姓。其子伏允立。煬帝初，伏允遣子順來朝。帝令鐵勒襲大敗

之。伏允東走保西平。今西平郡帝復令觀王雄以之大破其衆。伏允遁逃，部落來降十萬餘口。伏允惧，南遁於山谷間。其故地皆空。自西平臨羌城以西，且末以東，祁連以南，雪山以北，東西四千里，南北二千里，皆爲隋有。置郡縣鎮戍，發天下輕罪徙居之。其地在今西平郡之西，張掖、酒泉郡之北。隋氏置西海，且末、河源等於是留順不之遣。伏允無以自資，率其徒數十騎，客於党項。大業末，天下大亂，伏允及順復其故地。○大唐貞觀中，李靖侯君集破滅之。伏允遠遁，爲左右所殺。其子大寧王順歸降於

一無大字

謝元林

是重建其國。封順為西平郡王。仍加越臣屈胡
 呂烏甘豆可汗之號。旋又為其下所殺。十年立
 順子諾曷鉢為河源郡王。主其國。自爾衰弱。而
 吐蕃強盛。高宗時。為其破滅。諾曷鉢以餘眾役
 來降。中間於靈州之境。置安樂州。以諾曷鉢為
 刺史。其故地並沒於吐蕃。後又封渠帥慕容宜
 超為青海王。武太后朝。郭元振上安置降吐谷
 渾狀曰。臣昨見唐休璟張錫等眾議商量其吐
 谷渾部落。或擬移就秦今天隴隴今汧或欲移近
 豐今九靈武靈武黃今漸去邊隅。使居內地。用為

一無變字

防閑之要。冀免背叛之虞。臣以為並是偏見之
 一端。未為長久之深冊。若近秦隴。則與監牧雜
 居。如在豐靈。復與默啜甫爾。必以慮其翻覆。須
 有遷移。縱至中土。安可易變其本性。至如耽爾
 乙句貴。往來王孝傑奏請。自河源軍徙靈州。用
 為愜便。及其迯叛之日。穿監牧掠馬群。所在傷
 夷。大損州縣。是則遷居中土。無益之明驗矣。往
 者素乖違。雖背聖化。只從當所居地叛走。其於
 中國無所損傷。但是失少許吐渾耳。豈與句貴
 之為害。同日而語哉。今吐谷渾之降者。非驅畧

乖違一作和貴

臣并控乾以字或為事
臣多一作臣謂

而來皆是渴慕聖化衝鋒突刃弃吐蕃而至者
也臣為宜當循其情以為制勿驚擾之使其情
地稍安則其係戀心亦日厚當涼州降者今武威郡
則宜於涼州左側安置之當甘州今張掖郡肅州降
者今酒泉郡則宜於甘肅左側安置之當瓜州今昌郡
沙陀降者今靈州則宜於瓜沙左側安置之但吐
渾所降之處皆是其舊居之地斯輩既投此地
實有戀本之情若因其所居之地而便居之其
情易安因數州而齟裂之則其勢自分順其情
分其勢而不擾於人可謂善奪戎狄之權矣何

一無之地二字

滋一作慮

少下有一許字

異志則一時盡去傷害州縣為患滋深何如分
置諸州使每州皆得吐渾以役欲有佗懷必不
能遠相連結摠去臣愚輒以為勝冊如允臣此
見其所置之處仍請簡取當處強明官人於當
處鎮遏之則小小為非亦可杜絕兼每使達蕃
情識利害者共宜超兄弟一人歲往巡按以撫
護之無使侵削其生業日就樂戀自亦深矣如
此臣實為羈縻戎狄之良冊設使後有去就不
過邊州失少吐渾終無傷於中國今此輩心悠

吉

安下有不二字

一無外之二字

揚而無主未知所安在早定安置之計無令驚擾速生外邊之患

乙弗敵

乙弗敵後魏時聞焉在吐谷渾北國有屈海其海周迴千餘里衆有萬落風倍與吐谷渾同然不識五谷唯食魚與蘇子蘇子狀若中國枸杞子或赤或黑西有契翰一部風倍亦同上特多狼

岩昌

岩昌老後魏時興焉亦三苗之胤與先零燒當

岩

山

等并諸部姓別自立酋帥皆有地分不相統攝岩昌即其一也俗皆土著居有棟宇其屋織鞆牛尾及殺羊毛覆之無法令又無徭賦唯征伐之時乃相屯聚不然則各事生業不相來往皆衣裘褐牧養豎牛羊豕以供其食俗有蒸報無文字但取木柴落以記歲時三年一相聚殺牛羊以祭天俗重虎皮以之送死有梁勤者代為酋帥得老豪心乃自稱王其界自仇池以西東西千里席水以南南北八百里仇池出在今同谷郡上祿縣席水在今王地多山阜部衆二萬餘落至其孫彌

山

通典卷二百九

七

忿始遣使於後魏大武帝拜為宕昌王至七葉

孫彌秦皆受南北兩朝封爵宋齊梁及魏並各羈縻之後見

兩魏分隔永熙末種人企定乃引吐谷渾寇金

城今郡後企定弟彌定寇石門戍周武帝天和

初詔大將軍田弘討平之以其地為宕州今道

本至鄧至

鄧至羌之別種也後魏時與焉有像舒理者伏

為白水酋帥因地名為號鄧至王其地自于

亭以東平武以西汶嶺以北宕昌以南今懷道

通北郡之北交川臨風土習俗與宕昌同自歸

伏恐當作代

代

為隸恐倒

號下一有種字

翼

子

至十代孫舒彭附于後魏孝文帝封甘松縣
于鄧至王後數代西魏恭帝初其主擔術因亂
來奔周文帝遣兵送還自後無聞

党項

党項羌在右折支之地漢西羌之別種魏晉以

降西羌微弱周滅宕昌鄧至之後党項始強南

雜春桑迷葉等羌北連吐谷渾其種每姓別自

為部落一姓之中復分為小部落大者萬餘騎

小者數千騎不相統一有細封氏費聽氏往利

氏頗超氏野律氏焉當氏米禽氏拓拔氏而拓拔最為

古

律一作薛米作朱

仍一作乃

大

枉下為一作而

強族倍皆土著。有棟宇。織犂牛及羊毛。覆之倍尚武。無法令。賦役其人。多壽年。至百五六十歲。不事生產。好為竊盜。常相陵劫。充重復。讎人未得。必蓬頭垢面。跣足蔬食。要斬讎人。而後復常。男女並衣裘。仍被大氊。不知耕稼。土無五穀。氣候多風寒。以犂牛馬鱸羊豕為食。五月草始生。八月霜雪降。求天麥於他界。醞以為酒。妻其庶母及伯叔母。嫂子弟之婦。媯穢蒸報。諸夷中。最為甚。然不婚同姓。老死者。則仰天云。枉為悲哭。焚之。名為火葬。無文字。但候草木。以記歲。

○大唐貞觀三年。南會州都督府鄭元王。遣使招諭。其酋長細封步賴舉部內附。亦自入朝。列其地為軌州。拜步賴為刺史。其後諸部相次內附。列其地為岨奉巖遠四州。各拜首領為刺史。

白蘭

白蘭。羗之別種。周時興焉。東北接吐谷澤。西至叱利模徒。南界鄂郡。風俗物產。與宕昌同。周武帝保定元年。朝獻使至。吐蕃

至今二字本在野下

都一作鄒

吐蕃在吐谷渾西南不知有國之所由或云禿
 髮利鹿孤有子樊尼其主偃檀為乞伏熾盤所
 滅樊尼率餘種依沮渠蒙遜其後子孫西魏時
 為臨松郡丞今張掖郡張掖縣界與主簿皆得眾必因魏
 末中華擾亂招撫群羗日以強大遂改姓為罕
 蘇骨敦野故其人至今號其主曰贊府貴臣曰
 主簿又或云始祖贊普自言天神所生號鶻堤
 悉補野因以為姓罕敦野與悉補野言訛其實
一也或云本姓奔蘇農也
 其國出都城五百里過烏海入吐谷渾部落彌
 多彌蘇毗及白蘭等國至吐蕃界其國風雨雪

雪每隔日有之盛夏節氣如中國暮春之月
 有積雪地有冷瘧令人氣急不甚為害其俗
 重漢繒而貴琴瑟男女用為首飾其君長或在
 跋布川或居邏婆川有小城而不居坐大氊帳
 張大拂廬其下可容數百人兵衛極嚴而衙府
 甚狹俗養牛羊取乳酪供食兼取毛為褐而衣
 焉不食驢馬肉以麥為麩人死殺牛馬以殉取
 牛馬積累於墓上其墓正方累石為之狀若平
 頭屋其臣與君自為友號曰其命人其數不過
 五人君死之日共命人皆日夜縱酒葬日於脚

謝元慶

脇一作肋

琴一作瑟

稍

下針血盡乃死便以殉葬又有親信人用刀當
腦縫鋸亦有將四尺木大如指刺兩脇下死者
十有四五亦殉葬焉設官父死子代絕嗣即近
親襲焉非其種類輒不相服其官章飾有五等
一謂琴瑟二謂金三謂金飾銀上四謂銀五謂
熟銅各以方圓三十楮上裝之安膊前以辨貴
賤法今嚴肅兵器有弓刀稍甲冑每戰前隊皆
死後隊方進人馬俱披鐵子甲其制甚精周體
皆遍唯開兩眼非勁弓利刃之所能傷也其戰
必下馬列行而陣死則逆收之終不肯退鎗細

帶長於中國者弓矢弱而甲堅人皆用劍不戰
亦負劍而行其驛以鐵箭為契其箭長七寸若
急驛膊前加著一銀鵝有可跋海去赤嶺百
里方圓七十里東南流入蠻與蠻西二河合流
而東號為漾鼻水又東南出會川為瀘水焉自
赤嶺至邏婆川絕無大樹木唯有楊柳人以為
資置大論以統理國事無文字刻木結繩為約
徵兵用箭寇至舉燧與其臣下一年一小盟用
狗獮用牛馬三年一大盟用牛馬以交熟為歲首其國
都號為邏婆城用法嚴整議事則自下而起因

通記

通記卷一百九

七

摩訶

疾一作病

率一作索走作足

人所利而行之此其所以能強且久也重壯賤
老母拜於子重兵死惡疾終以累代戰沒者為
甲門臨陣奔北者懸狐尾於其首表其似狐之
怯其贊普弄贊雄霸西域隋開皇中其主論贊
率弄贊都犍柯西走播城已五十年矣國界西
南與婆羅門接自大唐初已有勝兵數十萬號
為強國男女皆辮髮擅裘以頰塗面無器物以
手捧酒而飲之屈木令圓以皮作底就中而食
俗多金及小馬党項白蘭諸部及吐谷渾西域
諸國咸畏懼之至其主奔蘇農贊貞觀十五年

普贊一倒

普一作弄

正月以宗室女封文成公主降于吐蕃普贊命
禮部尚書江夏王道宗送之普贊親迎于河源
見王人執子婿禮甚謹觀大國服飾禮儀之美
俯仰有媿沮之色謂所親曰我祖父未有通婚
大國者今我得尚諸大唐公主當築一城以誇
後代仍遣酋豪子弟請入國學以習詩書當高
宗初封賓王蘇農死其子早卒以孫代立號乞
黎拔布幼小大相祿東贊攝知國事摠章中以
兵臨吐谷渾吐谷渾告急咸亨中高宗令將軍
薛仁貴郭待封等率眾十餘萬伐之至大非川

為大論欽陵所敗。因遂滅吐谷渾。欽陵姓薛氏。其父祿東贊。婆曉兵術。吐蕃贊府以國事委之。講兵訓師。雅有節制。吐蕃之并無諸羌。雄霸西土。東贊有力焉。有子五人。及東贊死。欽陵兄弟復專其國。上元中。寇鄯廓等州。儀鳳三年。遣工部尚書劉審禮為洮河軍總管。率兵十八萬以討之。戰于青海。軍敗沒於陣。調露三年。中書令李敬安戰于大非川。又敗績。續遣黑齒常之襲擊破之。武太后如意初。武威軍總管王孝傑大破吐蕃。復龜茲于闐。踈勒碎葉四鎮。至萬歲通

天初。又寇涼州。執都督許欽明。欽陵兄弟皆才畧。欽陵多居中。諸弟分領方面。諸蕃憚之。三年。吐蕃大論欽陵遣使請和。武太后遣前梓州通泉縣尉郭元振往。至野狐河。與陵遇。曰。大國又不許。陵和。陵又不遣蕃使。以又無報命。故去秋有甘涼之抄。斯實陵罪。今欲和好。能無懼乎。振乃謂曰。論先考東贊。以先才大略。服事先朝。結好通親。荷榮承寵。本期傳之永代。垂於無窮。論不慕守舊恩。中致猜阻。無故自絕。日尋干戈。屢犯我河湟。頻擾我邊鄙。且父通之子。絕之豈

為孝乎。父事之子叛之。豈為忠乎。然論之英聲籍甚。遐外各有為主。奚為懼乎。陵曰。如所來言。陵無憂矣。今天恩既許和好。其兩國戍守咸請罷置。以便萬姓。各守本境。靡有交爭。豈不休哉。然以西十姓突厥四鎮諸國。或時附蕃。或時歸漢。斯皆類多翻覆。伏乞聖恩。含弘拔去。鎮守分離。屬國各建侯王。使其國君人自為守。今既不依漢。又不屬蕃。豈不大免憂虞。荒陬幸甚。振曰。十姓四鎮。本將鎮靜我洛。以撫寧西土。通諸大邦。非有他求。論今奚疑。而有憂虞乎。論曰。使人此

君上一有自字

大一作人

目

雖上一有識字

四下一有千字

論誠為實論。然緣邊守將多好功名。見利而動。罕守誠信。此蕃國之所為深憂也。振曰。十姓諸部與論種類不同。山川亦異。爰覽古昔各自區分。復為我編人。積有年歲。今論欲一言而分離數部。得非昧弱苟利乎。陵曰。使人豈不疑。陵貪嗚無厭。謬陳利害。窺竊諸部。以為漢邊患耶。陵雖不逮遠。請為使人明之。陵若愛漢土地。貪漢財幣。則青海湟川。實邇漢邊。其去中州。蓋三四里。必有窺羨。何不爭利於此中。而突厥諸部懸在萬里之外。磧漠廣莽。殊異中國。安有爭地於

萬里外而能為漢邊患哉捨近務遠計豈然也
 但中州人士深謀多計天下諸國皆為漢并雖
 大海之外穹塞之表靡不磨滅矣今吐蕃塊然
 獨在者非漢不貪其土地不愛其臣僕實陵兄
 弟小心謹密得保守之耳而十姓中五咄六部
 諸落避近安西是與吐蕃頗為遼遠俟斤諸部
 密近蕃境其所限者唯界一磧騎士騰突旬日
 即可以蹂踐蕃庭為吐蕃之巨蠹者唯斯一隅
 且烏海黃河閼源阻深風土痠癘縱有謀夫猛
 將亦不能為蕃患矣故陵無敢諍求西邊沙

日一月

一無以字

垣達夷漫故縱羸兵空厠將亦易以為蕃患故
 有此請實非有侵漁諸部以生心於漢邊陵若
 有謀漢之懷有伺隙之意則甘涼右地暨於積
 石此道綿細幾二千里其廣者不過二三百里
 狹者纔百里陵若遣兵或出張掖或出玉門使
 大國春不遑種秋無所獲五六歲中或可斷漢
 右界矣又何以為弃所易而窺所難乎此足明
 陵心矣往者高宗以劉審禮有青海之役乃使
 黃仁素賈守義來和陵之上下將士咸無猜忌
 故邊守不戒嚴和事曾未畢以為好功名人崔

華樞

蹶一作踏

知辨從五侯斤路乘我間隙瘡痍我衆驅掠牛羊蓋以萬計自此陵之國人大危慄和事矣今之此求但惧好功名者之吞噬異此爲翰屏以虞之實非有他懷焉振曰茲事漫汗體大非末吏所能明論當發使奉章以聞取裁於聖主陵乃命即宗乞思若爲使振曰今遣使之後國不可更犯漢邊且番使前後入朝不時遣者良以使之後兵仍犯漢故朝廷躊蹶曰是給徒改我也以爲偵諜不以爲使人遂遷延無報今若雖前陵塞是故陷所去人使孰謂請和也陵

爲之一作作謂

首蹶踏久之曰陵與國人咸恨崔知辨之前事故嘗有此舉以虞好功者之來侵比實以選練騎士三萬分路出師使人既有此言今既於和事非便安可相違即罷兵散卒遂指天爲信斯具之表矣振與思若至時朝廷以四鎮十姓事欲罷則有所顧欲拒則有所難沉吟久之莫之能決振爲役夏奉戎竭內事外非計之得乃獻疏曰日聞利或生害害亦生利國家奄有天下園囿八荒而萬機百揆之中最難消息唯吐蕃與默啜受命是將大利於中國若圖之不審則

公一作切

害亦隨之。如防害有方，則利亦隨之。今欽陵所論，唯分裂十姓地界，抽去四鎮兵防。此是欽陵公論者，若以為可允，則當分明斷決之。若以為不可允，則當設冊以羈縻之，終不可直拒絕，以阻其意，使興邊患也。臣竊料此事關隴西動靜之機，豈可輕舉措哉。使彼既和未絕，則其惡亦不得頓生。請借人事為比，設如人家遭盜，一則攻其內室，一則寇其外落，主人必不先於外寇而憂在內室矣。何則？以內患近而外患遠也。今國之外患者，十姓四鎮是內患者，甘涼瓜肅是

勝一作貢

關隴之人事也。田向三十年，臣料其力用久竭弊矣。脫一朝甘涼有不虞，此中豈堪廣調發耶？臣實不之知。朝廷以為何如？夫善為國者，當先料內以敵外，不勝外以害內。今議事者捨近患而靡恤，務遠患而是貪。臣愚駑罔識，厥策必以四鎮殷重，事不可依，何不言事以答之。如欽陵云：四鎮諸部與蕃界接，惧漢密近蘭今城郡平北為漢患，實在茲輩。斯亦國家之所要者。今宜報陵云：國家非悵四鎮，本置此以扼蕃國之尾，分蕃國之力，使不得并兵東侵。今若頓委之

通典卷一百九

七

屈一作曲

於蕃恐蕃力強易為東擾必實無東意則宜還漢吐渾諸部及青海故地即俟斤部落當以與蕃如此足塞陵口而和事未全絕如後小有乖則屈在彼兼西邊諸國效附歲久論其情義豈與吐蕃同日而言今未知其利害未審其情實逕有分裂亦恐傷諸國之意非制馭之筭待筭損益知其利便續以有報如此則亦和未為絕更使彼蕃懸情上國是亦誘入之方伏願省擇使無遺策以惠百姓也其後贊府年長忌欽陵乃與首領論嚴等密圖之言將獵召兵執欽陵

立恐在籠下
又按立下脫漏字

親黨二千餘人殺之自帥眾討欽陵欽陵自殺其親信左右同日自殺者百餘人其弟贊婆先在東境率千餘人來降授右衛大將軍乞梨拔布神龍初死其子立乞梨弩悉籠時年七歲祖母祿沒氏攝位至中宗神龍三年四月以所養嗣雍王守禮女封金城公主出降吐蕃贊普景龍四年正月幸始平縣送金城公主以左驍衛大將軍楊矩為使二月改始平縣為金城縣又改其地為鳳臺鄉愴別里天寶十四年死其子立號乞犁悉籠納贊

大羊同

大羊同東接吐蕃西接小羊同北直于闐東西
千餘里勝兵八九萬人其人辮髮羶裘畜牧為
業地多風雪冰厚丈餘所出物產頗同蕃俗無
文字但刻木結繩而已刑法嚴峻其酋豪死扶
於穴去其腦實以珠玉剖其五臟易以黃金假
造金鼻銀齒以入為殉卜以吉辰藏尸巖穴他
人莫知其所多殺特牛羊馬以充祭祀葬畢服
除其王姓姜葛有四大臣分掌國事自古未通
○大唐貞觀十五年遣使來朝

悉立

悉立在吐蕃西南戶伍萬有城邑村落依溪
丈夫以繒絲纏頭衣羶褐婦人辮髮著短裙以
蒸報為俗畜多水牛殺羊雞豕穀宜秔稻麥豆
饒甘箴諸果死葬於中野不為封樹喪制以黑
為衣一年就吉刑有剗劓羈事吐蕃自古未通
中國大唐貞觀二十年遣使貢方物

章求拔


章求拔或云章揭拔本西羌種也在悉立西南
居四山之內近代移出山西接東天竺遂改衣

服變西羌之俗其地延袤八百里勝兵二千餘
人居無城郭好為寇掠商旅患之聞悉立入朝
亦遣使朝貢

泥婆羅

泥婆羅國在吐蕃西其俗剪髮與眉齊穿耳瑠
檀竹筩緩至肩者以為姣麗食用手其器皆用
銅多商賈少田作以銅為錢面文為人背文為
馬其牛鼻不穿孔衣服以一幅布蔽身數日盥
漱以板為屋壁皆雕畫俗重博戲頗解推測盈
虛兼通曆術事五天神鑄石為像每日清水浴

神業羊而祭其王那陵提婆身著真珠
垂金鈎玉鐙佩寶裝仗突坐獅子座常散花燃
香大臣左右並坐於地有阿耆婆滿池周迴二
千餘步以物投之即生煙焰懸釜而炊須臾而
熟唐永徽二年遣使朝貢



通典

通典卷一百九十

七



杜氏通典卷第一百九十九

Faint vertical text columns, likely bleed-through from the reverse side of the page.

